



43873

dworze

I Mag. St. DF.

P

Med. vol. 126.

JOANN. SAM. GABRIEL

Nobilis Sempronio Hungari

DISSERTATIO
INAUGURALIS MEDICA

DE

P L I C A

POLONICA,

QUAM

Anniente Inclyta

FACULTATE MEDICA

IN CELEBERRIMA AC REGIA UNIVERSITATE

BUDENSI

*Pro summis in Medicina honoribus, Præfati
legisque Doctoralibus per Regiam Uni-
versitatem Budensem conferri solitis, le-
gitime impetrandis*

PUBLICÆ ERUDITORUM VENTILATIONI

submittit.


DISPUTABITUR IN UNIVERSITATIS

PALATIO MAJORE

Die Mensis

1780.

Antonii Sastor m.d. Dni. 1788



Typis Catharinæ Landerer, Viduæ.

43873
I





DEFINITIO.



PLICA *Polonica* est præternaturalis crinium in quacunque crinita corporis animalis parte in funiculos vel pannos intricatio. Nomina huic morbo sunt varia a variis cum scriptoribus tum populis, queis innotuit; hoc malum, indita; etenim *Τειχωμα, ῥοπαλωσις* Græcis, Latinis *plica*, morbus cirrorum, *trice incuborum*, Polonis *Koltun*, *Skrzot*, *Gwozdziec*, *Gozdzier*, audit; Germanis vero *Wirblock*, *Wichselzopf*, *Weichselzopf*, *Marzopf*, *Fudenzopf*, *Schrottlinzopf*, *Marenflechten*, *Marenwirkung*, *Marenlocken* nuncupatur, uti et *Wein-Brandweinnichtel*.

SPECIES

Hujus morbi duæ præsertim concipi possunt, videlicet dum plica vel

I. OCCULTA adhuc est, sed materia morbi actiuosa jam reddita ante intricacionem crinium varias partes laceffendo varios morbos symptomaticos creat, quos inferius (a) videbimus: vel vero jam

II. EVOLUTA, id est, ubi jam crines sibi præternaturaliter sunt implexi, nulla arte aut industria humana retexendi. Ipsa vero hæc intricatio binis potissimum modis confieri observatur, a quæbus rursus plica evoluta jam bifariam dividitur, estque

1. *Cirrofa* seu plica *mas*, dum nimirum unus vel plures cirri contorti e parte crinita instar caudarum glirium pendent, variæ longitudinis, & crassitie (b), qualem in effigie videre est in F. RUYSCHII Thes. 4. Tab. 1. fig. 3. alia vero est

2. *Villosa* seu plica *femina*, dum omnes fere crines in se mutuo intexti ac intricati speciem pilei villosi seu mitræ, vel panni cujusdam rigidi, effor-

(a) Vide symptomata prophaseos.

(b) Vide symptom. geneseos A. II. 2.

mant (a). „ Talem . . . conspexit s.
 „ SCHULTZIUS (b) in . . . nobili Prusso,
 „ dein in Judæo quodam staturæ proce-
 „ ræ . . . horribilem mitram retro pen-
 „ dentem, repræsentantem „. Subinde
 etiam plures adsunt: SAUVAGES (c)
 tres vidit in capite centurionis Galli e
 Polonia, ubi 20 annos miles erat, mor-
 bumque contraxit, reducis, quas a mul-
 tis retro annis et sine incommodo & cum
 cura ad mortem usque septuagenarius
 tulit. Radix autem pilorum plicæ levi
 pressione dolebat. His præmissis

SYMPTOMATA

Morbi ante omnia alia diligenter expen-
 dere oportebit, priusquam ad causarum
 scrutinium fiat transitus; ut quarum ex il-
 lis cognitis et veritas et numerus longe
 evidentius erui queat. Quoniam vero
 plicæ genefim numerosa et gravissima
 symptomata præcedere observantur ut

(a) Ibidem n. 3.

(b) Misc. nat. cur. dec. I. an. 6. obs. 138.
 pag. 199.

(c) Nosol. meth. T. 3. P. 2. Cl. 10. Ord.
 7. art. 35. p. m. 514. et. n. 3.

plurimum, non abs re omnis morbi hujus decursus in bina stadia dispesci recte poterit, quorum prius prophasin, posterius genesim plicæ continebit, seu in primo plicæ occultæ, evolutæ in altero phænomena enarrare est animus.

I. PROPHASEOS five *occultæ plicæ* alias nulla sunt, velut in binis ANHORNII (a) & STABELII (b) ægris (quod tamen rarius), alias vero & numero & vehementia, et diuturnitate, tanta sunt symptomata, ut merito eos rideas, qui plicam Polonicam morbum esse inficias ivere, idque usque adeo, ut non sit morbus, qui velut symptoma plicæ præire non sit visus. Horum tamen morborum symptomaticorum alii rariores sunt, alii communiores, ut raro unquam a prophasi abint; utrosque suis locis videbimus. In præsentī vero stadii hujus diuturnitas symptomatumque varietas, ac magnitudo, veniunt considerandæ: atque a postremis binis ordiemur. Etenim

A. *Varietas symptomatum* plicæ tanta est, quanta in paucis aliis morbis: oriuntur quippe

(a) Vide prognos. n. 3.

(b) Vide curat. chir. n. 3.

I. Dolores variarum partium, nempe

a) *Cephalalgia* atrox cum sudore viscido crinium noctu molesto, copiosis-
que *furfuribus* locum plicæ, ubi eruptura est, conspurcantibus: ac rarus est æger, ut per decursum casuum videre erit, cui hoc symptoma parcat. Atrocissimi sane fuere dolores capitis cum palpitatio-
ne cordis, ac pectoris suffocatione &c. in generosa matrona D. FISCHERI (a).

b) *Arthritis* fixa aut vaga (constans, si ullum aliud, hocce in morbo symptoma), eaque non raro crudelissima, quandoquidem, ut L. STARNIGELIUS (b) scripsit „ magno omnium malo magno-
„ que cruciatu divagatur: infringit ossa,
„ laxat artus, vertebrae eorum infestat,
„ membra conglobat, ac retorquet, &
„ gibbos efficit . . . caput, pedes, ma-
„ nus, omnes artus, omnes juncturas,
„ omnes corporis partes ita exagitat „
Senserunt id in primis ægri FISCHERI (c), GEHEMÆ (d), GOHLII (e),

(a) Annal. Wratisl. Tent. 14. A. 1720. Octob. cl. 2. art. 3. §. 2. p. 402.

(b) Vide ejus epist. ad calcem diss. n. 2. 3.

(c) Vide infra n. 9. et Genesios sympt. B.

(d) Vide infra n. 9.

(e) Vide curat. pharm. n. 3. a).

KORDALYII (a) LENTILII (b), s. SCHULTZII (c), STABELII (d), ac VATERI (e). Hinc sæpe fit, ut nonnulli se *podagra* protopathica laborare existiment, velut in ægris NEIFELDI (f) et in Annal. Wratisl. (g) est observatum.

c) *Pleuritis*, quam in suppurationem versam experta est STABELII (b) femina: aut dolor sub sterno, de quo HERMANNUS (i) „ præter nota signa (ait) ... certissimum est imminentis plicæ indicium, in sexu præsertim sequiori, dolor lancinans sub sterno, ex observatione ERNDTELI, quam confirmat experientia „.

d) *Cardialgia, colica*: hanc vir HERMANNI (k), illam s. SCHUL-

(a) Vide prognos. n. 4. B b).

(b) Vide sympt. geneleos A. N. 2.

(c) Vide infra n. 6. 10.

(d) Vide curat. chir. n. 2. b). hist. 1.

(e) Vide sympt. geneleos A. n. 2.

(f) Ibidem B.

(g) Vide cur. chir. n. 3.

(h) Vide cur. chir. n. 3. hist. 8.

(i) Primit. phys. med. Polon. Vol. 1. pag. 179.

(k) Vide infra n. 7.

TZII (a) Canonicus cum amaurosi est perpeffus.

2. Tumores varii generis, ut

a) *Oedemata* pedum, quæ KORDA-
LVII (b) vir fuffinuit.

b) *Glandularum* infarctus, quo ju-
venis GOHLII (c) fub axillis & in in-
guinibus laboravit.

c) *Viscerum* abdominalium inflatio.
Sic lienis tumorem SILVATICUS (d)
fuo in ægro reperit.

d) *Tubercula cutanea*, qualia in AN-
HORNII (e) & GERBEZII (f) ægris
occurrere.

e) *Nodi*, *tophi* arthritici in iis,
quos fimul arthritis vehementior deti-
net, veluti ægris FISCHERI (g) ac
STABELII (h) accidit.

3. *Ulcera* peffima oris, narium, vi-
fcerum, &c. qualibus plicofa in Anna-

(a) Ibid. n. 9.

(b) Vide progn. n. 4. B. b).

(c) Vide cur. pharm. n. 3. a).

(d) Vide infra n. 7.

(e) Vide progn. n. 3.

(f) Vide fympt. geneleos A. n. 1. a).

(g) Vide infra n. 9.

(h) Vide cur. chir. n. 2. b). hift. 1.

lib. Wratisl. (a) FISCHERO (b), SILVATICO (c), ac STABELIO (d), mulctati fuere. D. FISCHERUS (e) observavit ejusmodi „ erosiones variarum „ partium, præcipue faucium, ut scelotyrbem PLINII esse autumares... uti „ .. in generoso quodam Domino in „ Scepusiensi Comitatu, in oppido Æfalva dicto, ut & uvulam eroderet corroderetque in integrum, atque ulcerapædum mali moris „.

4. *Febres variæ indolis: acutam continuam* præter HERMANNUM (f) s. SCHULTZ (g) quoque observatam refert „ vivit (inquiens) ... in hunc usque diem Sp. I. SACHS scabinus suburbanus jam 60 annos supergressus, „ qui ante plures annos morbo hoc correptus gravissime decumbebat, & ... „ ut morbo aliquo venenato cum febre „ continua laborans curatus est; medi-

(a) Vide cur. chir. n. 3. (p. 35.)

(b) Vide sympt. geneleos B.

(c) Vide infra n. 7.

(d) Vide cur. chir. n. 2. b). hist. I.

(e) l. c. ad n. I. a)

(f) Vide infra n. 5.

(g) Misc. nat. cur. dec. I. ann. 6, obs. 138. p. 198.

„ camentis autem nihil proficientibus
 „ post cirrorum aliquot explicationem
 „ convaluit, quorum adhuc duos ha-
 „ bet, reliqui deciderunt „. *Intermit-*
tentes quoque sunt visæ, quas binis in
 matronis idem hic Auctor observavit
 „ e quibus prima matrona tertia quaque
 „ die paroxysmum ad modum febris *guæ*
 „ cum horrore & calore, doloribusque
 „ capitis & homoplatarum per aliquot
 „ septimanas perpessa est, cujus termi-
 „ nus erat sudor copiosus totius corpo-
 „ ris, usque dum materia vitiosa ad cu-
 „ tem capitis delata capillos complica-
 „ vit, & morbo finem dedit (a) „. Al-
 „ tera (b) perinde „ pro febricitante per
 „ semestre habebatur, utpote tertia qua-
 „ vis die rigore & horrore febrili, at-
 „ que calore succedente, repentibus „.
 Intermittens quotidiana virum in Anna-
 lib. Wratisl. (c) detinuit, usque dum
 plica evoluta est.

5. *Deliria* vel acuta vel chronica.
 Acuti delirii casum præbet J. E. HER-

(a) Ibidem p. 197.

(b) Ibidem p. 198.

(c) Vide sympt. genescos B.

MANNUS (a) in illustri matrona 25 annor. sanguinea, ter puerpera, quæ post animi motus in febrem continuam lapsa, nec Væ Se nec aliis remediis proficientibus delirio, quotidie ita crescente laborare cœpit, ut tres viri eam vix cohiberent. Data emulsio camphorata cochleatim sumenda; sed noctu omni una vice per errorem hausta (erant autem 3viij) delirium usque adeo post $\frac{1}{2}$ h. increvit ut laqueis vincienda fuerit: lapsa autem seique tertia hora quieta, muscitabat, bihorio post sudor uberrimus horam durans erupit, tumque ægra sui compos pruritus capitis quæstæ simul hinc inde crines in cirros intricari sensit: quo viso exhibitis blandis diaphoreticis sensim prorsus convaluit. Meminit perinde VICAT (b) feminæ 30. annor. sanæ ac ter partu defunctæ, quæ die quadam in furorem cum febre continua lapsa non prius inde libera evasit, quam post prævium vehementem capitis pruritum ac dolorem plica erupit. Sed VICAT plures HERMANNI casus, nomi-

(a) Primit. phys. med. Polon. Vol. 1. obs. 14. Cas. 2. p. 171.

(b) Mem. sur, la plique Polon. p. 44.

ne ejus suppresso, exscripsisse videtur, ut passim alibi etiam sumus visuri. Maniam vero & FISCHERUS (a) in Satrapa Kesmarkiensi, & STABEL (b) binis in feminis vidit.

6. *Convulsiones, spasmi.* Contracturas VATERI (c) mulier, clonicas digitorum convulsiones æger SILVATICI (d), easdemque in artubus GEHEMÆ (e) Scythia sustinuit. Perinde apud s. SCHULTZIUM (f). „ Ill. D. Venator Sannocensis, vir vix 30. annos supergressus præter calorem præternaturalem dolores articulorum & sudorem nunquam intermittentem, etiam convulsivos motus cum dolore capitis incipientes percipiebat „.

7. *Paralysis perfecta vel imperfecta.* Sic in Ill. viro B. SILVATICUS (g) cum capitis plica semiparalylin artuum inferiorum, digitorum, manuum convulsio-

(a) l. c. ad n. 1. a).

(b) Vide cur. chir. n. 2. b) hist. 5. n. 3. hist. 4.

(c) Vide sympt. geneleos A. n. 2.

(d) Vide num. seq.

(e) Vide infra n. 9.

(f) l. c. p. 197.

(g) Conf. & resp. med. cent. 1. n. 19.

nes, gingivarum erosiones, capitis ulcera, lienisque tumorem observavit. Utrorumque vero artuum paralyseos casum Annales Wratisl. (a) suppeditant: Colonellus K. Boruffus in Lithvania vix annum moratus ægrotare occepit, ac per trimestre, manibus, pedibusque paralyticus jacuit; postea vero evolutis plicis melius habuit, fulcrisque innixus ambulare cœpit. Perinde G. F. HERMANUS (b) curandum habuit Lithvanum 36 annor. robusto ac turgido corpore, diætæ minus observantem, qui post atrociam tormina in cruentam incidit diarrhœam 14 dierum, cui sinistra manus torpor, inquietas nocturna, & horrores febriles intercurrentes accessere: tum latus lævum immobile fere evasit cum aliqua obauditione. Frustra per 5 dies remedia usurpata bezoartica, alvi fluxum imminuentia & antifebrilia: namque successit paralyssis utriusque lateris cum spinæ dorsi dolore, baryecoiamque tinnitus etiam aurium graviolem fecit, nisi quod alvus ad naturalem redierit.

(a) Tent. 6. A. 1718. cl. 4. art. 14. §. 2.
p. 1760.

(b) 1 c. cas. 1. p. 168.

Postea vero quam 5 hebdomadam spatio curatio ad plicæ eruptionem est instituta, in occipite demum plica prodiens sensim ulnam longa ac 3 pollices crassa (nec sponte postea delapsa, nec arte ablata) abolitis omnibus malis pristinam reddidit viro sanitatem.

8. *Vacuaciones variæ*, ut

a) *Alvi fluxus*, qualem diarrhœam cruentam paulo ante (a) vidimus. Apud VICAT (b) quoque vir post prægressos vehementes ventris dolores in insignem incidit diarrhœam cruentam, quam post 14 dies sequebatur paralyfis brachiorum, acuti dorfi dolores, auriumque susurrus cum baryecoia: quæ non nisi plica oborta desiere. Hic quoque casus ab illo HERMANNI citato diversus esse haud videtur. s. SCHULTZII (c) „ juvenis „ ... morbo isto oppressus primum hor- „ rorem percepit, sequente mox calo- „ re p. n. continuo, concomitantibus „ doloribus capitis, artuum, sudoribus „ indefinentibus fœtidis, dejectionibus „ copiosis aqueis, & tumore pedum,

(a) n. præced.

(b) l. c. p. 45.

(c) l. c. p. 197.

„ donec natura critice ad cutem capitis
 „ & pilos ejusdem humores vitiosos
 „ transtulerit, cirrique illi capillorum
 „ mox omnes deciderint, sanitatemque
 „ integram agro attulerint „. Puella
 pariter STABELII (a) dysenteriam est
 experta.

b) *Hæmorrhagiæ*. Chirurgus STABELII (b) gravem hæmoptoen ante plicæ evolutionem sustinuit.

9. *Oculorum morbi*, ut dolores, ophthalmia, amaurosis, &c. Vidit J. A. GEHEMA (c) Scytham cephalalgia insigni, doloreque oculorum quasi acubus compunctorum, qui clausi protuberabant, crebris convulsionibus, arthritideque laborantem, donec 18^{vo} die quinque plicæ 9 digitos longæ erupissent. D. FISCHERI (d) femina, cujus avus ac mater plicam passi, post repetentem ex incertis intervallis 2. 3^{ve} annorum arthritidem, sine ullo tamen tumore & phlegmone, in continuum capitis dolo-

(a) Vide cur. chir. n. 2. b) hist. 10.

(b) Ibidem hist. 9.

(c) Liter. ad C. BONTOEKE de Plica Polonica p. 13.

(d) BÜCHNER miscell. phys. med. A. 1728. Octobr. cl. 2. art. 2. p. 1368.

rem incidit, qui ophthalmiam ad varia collyria pertinacem post se traxit. Unde vetitis omnibus topicis adversus ophthalmiam omnis curatio ad plicæ latentis evolutionem instituta demum plicam elicuit: quo facto ægra ad pristinam rediit sanitatem. Lippitudinem quoque & LENTILIUS (a) & STABEL (b) suis in ægris observarunt. Nonnunquam vero tanta morbi vis oculos invadit, ut omnem adimat visum. D. FISCHER (c) vir nobilis præter cephalalgiam, artuum dolores, omnesque articulos tumidos, nonnullorumque membrorum situm mutatum adeo, ut inutilia essent ad suas functiones peragendas, etiam omni visu privatus est. Nihilo tamen minus ubi curatione consveta adhibita plicæ prorupit, omnia mala evanuerunt. Sic etiam S. SCHULTZ (d) refert Canonicum quemdam atrocissima cardialgia, & per aliquot hebdomadas oculorum caligine laborasse, quæ dein in totalem deiecit cœcitatem; sed ut primum plicæ erupere,

(a) Vide sympr. geneseos A n. 2.

(b) Vide cur. chir. n. 2 b) hist. 7.

(c) l. c. Maji cl. 2. art. 3. p. 1032. sq.

(d) l. c. p. 198. sq.

illico & cardialgia & cœcitas desit. Erupere a dextra lævaque capitis parte plicæ mares, in occipite autem plica femina. Superstitionem vero sapit, quod huic adnexum est casui: ante plicarum evolutionem svaline ægro Polonum quemdam Medicum, ut ceram virgineam oculis applicaret, cum eo prognostico, si post aliquot horas in cera crines apparuerint, illud certissimum plicæ signum fore, quod eventus postea confirmavit (utique ex accidente). Perinde E. J. NEIFELDI (a) septuagenarius, olim laboribus militiæ, diætæ praviæ, vini crematique abusus, ac iræ deditus, sanus tamen, postea quietius vivens articulorum contraxit dolores, VæSui tamen salubrique motui sæpius cedentes, donec demum subito post prægressos tensivos verticis ac palpebrarum dolores in prandio visum prorsus amisit, qui etsi ad interna resolventia, cephalica, rheum, pediluvia, litumque verticis ac palpebrarum balsamo vitæ HOFFM. sensim iterum rediit; doloribus articulorum nihilominus recursantibus, post aliquot men-

(a) Primit. phys. Med. Polon. Vol. 1. obs.
15. p. 187. seqq.

ses cœcitas una cum verticis palpebrarumque dolore denuo revertit, prioribus remediis jam ex toto neutiquam cedens, sed visio jam clarius jam obscurior fiebat. Tandem febris emicuit cum urina rubra sine sedimento, siti, diarrhœa, siccitate, anxietate, deliriis, & artuum, præsertim vero scapularum, cervicis, occipitisque doloribus, ad remedia consuetæ rebellis; donec post circ. 8 dies ex insperato plica evoluta cum amaurosin tum cetera omnia symptomata prorsus profligavit.

10. *Pica & phantasia depravata*; unde vulgatum Polonis adagium: *sub pica latet plica*. „ In quibusdam, inquit FISCHERUS (a), accedit insolitum ciborum & potionum diversarum desiderium, & quidem tale, quod si non illico expetita exhibeantur, statim subsequatur syndrome symptomatum, „ uti id in honesta alias matrona „ notavi, quæ ubi vinum expeteret, „ & non statim exhibebatur, paroxysmus eandem illico invadebat: & maximum atque notatu dignum erat, in

(a) 1. c. Tent. 14. A 1720. Oct. cl. 2. art. 3. §. 3. p. 402. seqq.

„ mediis cruciatibus ubi eidem vinum
 „ in f. q. ad ebrietatem usque dabatur,
 „ tunc una cum patiente & dolores ob-
 „ dormiverunt. Talem etiam observa-
 „ vi casum in potatore . . . cremati si-
 „ ve aquarum, quas vitæ appellant,
 „ strenuo. Atque hujus generis plica
 „ Scepusiensibus dicitur der Wein oder
 „ Brandwein-Wichtel „ Similia quo-
 „ que SCHULTZIUS (a) memorat „ pro-
 „ prium (inquiens) huic morbo est apud
 „ plurimos eo laborantes, ut ad hanc
 „ vel illam rem in cibo & potu magis
 „ inclinent „ quemadmodum quidam
 „ Colonellus vir plus quam sexagena-
 „ rius, robustus tamen, ante pilorum
 „ contorsionem tantum artuum dolori-
 „ bus divexabatur, quos semper haustu
 „ vini generosi Ungarici, sudorem pro-
 „ moventis, dispellebat; forsitan hoc ex
 „ depravato quodam appetitu ad vinum
 „ factum . . . ceu ille sæpe appetitu in-
 „ solito ad vinum sublimatum, & qui-
 „ dem bene aromatizatum, infestabatur,
 „ quo si potiri potuit, morbi sævitia
 „ remittebat, si non, pessime se habe-
 „ bat „

(a) l. c. p. 198.

II. *Ungues recurvi, scabri, lividi, corrupti.* „ Nec crines tantum hoc malo affectis, inquit FISCHERUS (a), „ sed & ungues, non tam in manibus, „ quam etiam in pedibus, corpus de- „ honestabant deturpabantque, quales „ personas ex utroque sexu & variæ æ- „ tatis novi sufficientes „. Disertius deformitatem hanc S. SCHULTZIUS (b) depingit : „ ungues (ajens) infi- „ mul, præsertim in pollicibus pedum „ scabri, longi, & insiar cornu hircini „ nigri evadunt, atque hoc tantum iis, „ qui hoc morbo graviter laborant, ob- „ tingit; quibusdam etiam plane deci- „ dunt, & post explicationem plicæ re- „ nascuntur, quod mihi oretenus retu- „ lit Ill. Comitissa à DÖNHOF . . . se „ in propriis digitis observasse „. Ean- dem in rem testis est rustica STABELII (c). Atque hæc de symptomatum varietate ac vehementia dicta sufficient; infinitus essem, si omnia huc transferrem: restat, ut paucis consideretur stadii primi seu prophaseos

(a) l. c. p. 403.

(b) l. c. p. 194.

(c) Vide cur. chir. n. 2. b) hist. I.

B. *Diuturnitas*, quæ in variis ægris est varia adeo, ut nulli temporis mensuræ subjici queat. Cito enim in aliis plica evolvitur, in aliis fero: quod an vi vitæ, aut tubulorum capillarium, materiæve in eos pellendæ, &c. ineptitudini tribuendum sit, nolim discutere. In Scythia GEHEMÆ (a) dies 18 prophæsis duravit, annum vero in Colonello, cujus Annales Wratisl. (b) meminire; in FISCHERI (c) femina 2 vel 3 annis hæc scena mansit.

II. GENESEOS vero seu *evolutionis plicæ* phænomena ad bina reduci possunt, videlicet ad ea, quæ ipsam plicam concernunt, tum ad symptomata eidem juncta.

A. *Plica* sequentia præbet phænomena:

1. *Loca*, quæ infesta est, sunt sequentia:

a) *Caput* capillatum plerumque huic malo fit obnoxium quacunque sui regione; mirabile tamen est, plicam sub cute nasci, ut M. GERBEZIUS (d) vi-

(a) Vide præc. n. 9.

(b) Ibid. n. 7.

(c) Ibid. n. 9.

(d) Misc. nat. cur. dec. 2. ann. 8. obs. 71.

dit Labaci in fabro, cui molliusculus juxta aurem tumor obortus per multos annos sensim ovo gallinæ evasit major, indolensque diu, donec tandem inflammatus apertusque puris loco plicam cirrosam, fero viscido sordidatam, enixus est, alteri similem, quæ post oppositam aurem erat pendula. Analogum huic casum vidit KORDALY (a): & simile quid etiam ab GOHLIO (b) observatum est. Tamen cetera quoque crinita loca ab eodem non sunt immunia; etenim

b) *Barba* etiam plicosa visa est. Sic J. A. HÜNERWOLFF (c) „ miles (ait)
 „ veteranus Silesius stipem ostiatim hic
 „ colligens prolixam & ferocem alebat
 „ barbam, & præter plicas ab occipite
 „ dependentes, tres in mento gerebat,
 „ unam spithama longiorem, quam
 „ sine nocumento poterat mutilare, reliquas
 „ vero plicas ob metum subsequenti
 „ doloris capitis aliusve symptomatis
 „ non audebat refecare; quamvis
 „ ablationem aliquot longiorum ejus-

(a) Vide progn. n. 4. B. b).

(b) Vide curat. pharm. n. 3. a).

(c) Misc. nat. cur. dec. 2. ann. 8. obs. 94.

„ modi pilosorum in Pagano Bergensi
 „ hic meminerim innocuam „. Perinde
 J. HELFWIG (a) „ vidi (narrat) fa-
 „ crificulum senem in arce quadam
 „ Episcopali Ratisbonensi, quæ cum sub-
 „ jacente oppidulo vulgo Wörd voca-
 „ tur, sub libera custodia, sed effrœna-
 „ tæ mentis, cum capillis ad humeros
 „ usque pendulis, & barba lata, longe
 „ usque ad crura promissa, pilis utrobi-
 „ que impexis & mire implicatis, opi-
 „ nor ex incuria & spurcitie horridis;
 „ quia nullam alias affectionem plicæ
 „ consuetam inde sentiebat, in vestitu
 „ squalido deambulanti, & in tali sta-
 „ tu per plures annos vivebat „. Apud
 J. SCHENKIUM (b) J. STADLERUS
 narrat A. 1564. C. ab HORNSTEIN vi-
 rum ad 50 annos natum fratrem Provin-
 cialis Commendatoris in Alsatia & Bur-
 gundia ob impexam contortam ac inex-
 plicabilem suam barbam a Commendato-
 re increpitum, mensaque sua arcen-
 dum, fuisse nisi plicosam barbam præci-
 derit. Cui ille non tam mensa privari
 & aula excedere se velle libere tum re-

(a) Obs. phys. med. 37. Schol. p. 137.

(b) Obs. med. L. 1. obs. 13-

spondit, quam inexplicabili planeque Gorgonea sua barba carere velit.

c) *Pubes* quoque seu virorum seu mulierum plicam alere est observata. In viro id visum narrat J. M. KORDALY (a) in femina I. P. HAIN (b): „ fuit (refert iste) apud Ill. Palatinum „ Sendomiriensem D. OSSOLINSKI in „ Polonia Gallus quidam a servitiis, „ cujus nomen Santaman, ille in uxorem duxerat ex Gynæceo nobilem virginem, quæ postea variis morbis divexata, tandem & plica correpta non solum autem in capite sed etiam in pudendo, ubi crines in tantam excrevere longitudinem, ut sesquialteram ulnam excederent, & si sibi permetteretur, terram attingerent: „ quapropter femori circumductam ligare opus habuit plicam, quam mihi, „ dum illam rogarem, extra vestem „ eduxit & monstravit „. Forte hæc ipsa est, de qua B. MEIBOMIUS (c) adhuc (ait) Lugduni Batav. in theatro „ anatomico plica ostenditur pudendo-

(a) Vide progn. n. 4. B. b).

(b) Misc. nat. cur. dec. I. an. 3. obs. 220.

(c) Diss. de pilis eorumque morbis §. 30.

„ rum muliebrum, ubi crines in tan-
 „ tam excreverunt longitudinem, ut
 „ terram attingerent „.

d) *Juba, caudæ*, brutorum. „ Bru-
 „ ta quoque, ait GEHEMA (a), equi,
 „ oves, canes in diversis Scythiæ Ruf-
 „ fiæ ac Poloniæ plagis plicis infuscan-
 „ tur. Inter alia superbum quasi equi-
 „ num genus in juba jubaris adinstar
 „ villosa hac commissura, quam aliquot
 „ cubitos longam in nivea equila con-
 „ templatus sum, turgescit. . . Sunt
 „ etiam, qui affirmant, feras plicis ve-
 „ xari „. Similia quoque de equis af-
 „ firmat H. BONFIGLI (b) „e quorum pli-
 „ cosis júbis turpissimæ tricæ ultra ce-
 „ teros crines excretæ, & quasi ad ter-
 „ ram usque aliquando extensæ alacri-
 „ tatem robur & celeritatem ipsis con-
 „ servant: contra post incisionem segni-
 „ ties, gravis anhelitus, pedum tumor,
 „ aut cæcitas ut plurimum sequuntur „.
 SENNERTUS (c) perinde in Hungaria
 cum cetera animalia tum præsertim equos

(a) l. c. p. 17.

(b) Tract. med. phys. de Plica Polonica
 p. 8.

(c) Prax. med. L. 5. P. 3. S. 2. C. 9.

hoc morbo infestari memorat ex relatione ducis militum, qui Dresdam ex Hungaria adduxit equum, cui cirrus ejusmodi ad pedes usque erat pendulus.

2. *Numerus* quoque ac *dimensio* digna sunt, ut notentur: namque haud raro accidit, ut uni eidemque homini & plures erumpant plicæ (seu eodem id loco accidat, seu diversis), & varia longitudine, latitudine, crassitieque. Sic plures una visæ fuere plicæ in ægris Annalium Wratisl. (a), GEHEMÆ (b), KORDALVI (c), SCHULTZIIQUE (d). Nominatim vero binas FEHRIUS (e), GEHEMA (f), GERBEZIUS (g), tres HERTIUS (h), quinas 9 digitos longas GEHEMA (i), septenas SENNERTUS (k) memorat. Sed memora-

(a) Vide infra B.

(b) Vide caus. procat. veras n. I.

(c) Vide progn. n. 4. B.

(d) Vide infra n. 6. c).

(e) Vide cur. chir. n. 3.

(f) Vide paulo post.

(g) Vide supra n. I. a).

(h) Vide infra n. 4.

(i) Vide sympt. prophas. n. 9.

(k) Vide cur. chir. n. 3.

bile est, quod in Annalib. Wratisl. (a) refertur, fuisse virum, cui ad 70 cirri, singuli funiculum obolo venalem æquantem crassitie, circum caput pendebant adeo, ut caput ejus haud absimile MEDUSÆ capiti videretur, suspicaturque observator hunc ipsum forte morbum aliquando visum fabulæ præbuisse occasionem. Neque minus dimensio variat: a collo ad lumbos usque pertingentem vidit HELLWIGIUS (b), 4 pedes longæ, 2 poll. crassæ LANDEUTTE (c) meminit in femina 62 annor. quæ ab sexto decimo ætatis anno quartam jam plicam gestavit e superiore ossis occipitis parte enatam, sicque jam in originis loco tenum, ut propediem defluxura videretur: hujus vero e latere alia jam succrescebat, prioris vices obitura. Non prætereundum est, reliquos capillos ne pollicem quidem fuisse longos, dum plica 4 pedes haberet: porro feminæ cum matrem, tum avunculum, ac binas affines eodem morbo ad mortem usque

(a) Tent. 29. A. 1724. Aug. cl. 4. art. 17. n. 2. p. 216.

(b) Vide progn n. 4. A.

(c) ROUX Journ. de medecine, &c. T. 15.

laboravisse. Septem porro pedum longam APINUS (a) vidit, $\frac{1}{2}$ ulnam æquavit, quam ANHORNIIUS (b) descripsit; R. LENTILIUS (c) virum Nordlingæ vidit pallidum, crebra lippitudine ac rheumatismis vexatum, qui in dextra sincipitis parte cirrum plus ulna longum calami scriptorii crassitie multos annos gestavit, reliquo capite instar ovi glabro. Ejusdem longitudinis, at 3 digitos crassa, erat, quam observavit HERMANNUS (d) sesqui ulnam vero habuit plica in femina HAINII (e), binarum ulnarum erant plicæ, quarum 7 mater militis apud SENNERTUM (f) ad mortem usque gestavit. Ejusdem erat mensuræ, quam GEHEMA in suo olim condiscipulo ex Illustri ZYNUTARUM familia orto vidit (g), numero geminam. „ Est mihi, inquit G. W. WE-

(a) Vide progn. n. 3.

(b) Ibidem.

(c) Mise. nat. cur. dec. 3. ann. 7. app. p. 137.

(d) Vide symptom. prophas. A. n. 7.

(e) Vide n. præ c).

(f) Vide cur. chir. n. 3.

(g) l. c. p. 15.

„ DELIUS (a) nota femina 50 circ.
 „ annor. quæ a teneris gerit plicam Po-
 „ lonicam ex occipite oriundam, se-
 „ piusque a me visam & tactu explo-
 „ ratam; trium jam & amplius ulnarum
 „ longitudinem, ac pondus duarum circ.
 „ lb obtinet, alias sana, quam in capi-
 „ te circumvolutam gerit, & minutas
 „ quasi excrecentias oriundas sensim in
 „ fine ejusdem subinde refecans sine no-
 „ xa „ Sed maxime memoria digna
 est cum ob longitudinem suam, tum ob
 cetera phænomena, quam in femina
 ab FLOERCKE Archiatro visam A. VA-
 TERUS (b) & I. T. KLEIN (c) literis
 mandarunt, nimirum rustica Polona quin-
 todecimo ætatis anno nupta, 18^{vo} pli-
 cam nacta, eam 52 annos gestavit,
 queis perpetuo fere ob arthritidem, &
 contracturas ac marasimum demum lecto
 affixa erat, donec 78^{vo} ætatis anno fa-
 tis cessit. Toto illo morbi tempore nun-
 quam nisi vere ac hyeme habitationem
 mutabat: hac adveniente usque adeo fri-

(a) Misc. nat. cur. Cent. 10. obs. 81.

(b) In HALLERI disp. ad morb. hist. &
 cur. facient. T. I. n. 16. p. 250.

(c) Trans. Phil. A. 1732. n. 426. art. 3.

goris erat patiens, ut ne accensæ quidem candelæ calorem, nedum majorem, tulerit. Sub ver autem transferebatur in locum calori difficulter penetrandum. Victus ei ad 70 usque vitæ annum non alius, quam panis male paratus, herbæ crudæ, & aqua, erant; generosiores potum nunquam attigit. Ejus autem plica erat 4 ulnas longa, palmum lata, duosque pollices crassa, altero tanto alioquin futura longior, nisi magna ejus pars temporis, quo ægra decubuit, diuturnitate squallore & attritu consumpta fuisset. Latitudo quoque plicæ feminæ interdum insignis visa est: LANDEUTTE (a) refert capularem senem fuisse, qui tam amplam circumferebat plicam, ut scapulas prorsus contexerit, canissima, aculeataque. CONNOR (b) narrat ejusmodi plicam instar pallii circum scapulas pependisse. Singulare autem admodum est, quod C. F. SCHULTZIUS (c) memoriæ prodidit, tantam fuisse in fe-

(a) l. c.

(b) Beschreib. des Königr. Pohlens. P. 2. p. 788.

(c) Kurze Nachr. einiger besond. Zufälle sowohl einheim. als anderer Krankh. in Pohlen. §. 35.

mina quadam plicæ non longitudinem modo, sed amplitudinem quoque, ut ei pro lecto inserviret, resectamque a morte ipsius fuisse musæo rerum naturalium Dresdensi illatam. Fidem vero superat, ac vel imposturam vel imaginationis errorem præ se fert, quod apud s. SCHULTZIUM (a) de plica abscissa jam, nihilo tamen secius adhuc in longum crescente habetur, verba ejus dabo: „epi-
 „phonematis (ait ille) loco addimus hi-
 „storiam miram de plica resecta, & post
 „16 annos e clavo pendente in loco
 „ab hominibus remoto, in cœnobio
 „quodam Poloniæ majoris Ordinis s.
 „BRIGITTÆ circa Poseniam, ad fe-
 „miulnæ longitudinem accreta monia-
 „lis cujusdam ejusdem Ordinis nomine
 „KOZIELSKA, quam mihi vera fide re-
 „tulit monialis altera s. BRIGITTÆ Or-
 „dinis CONSTANTIA MIESZKOW-
 „SKA tum temporis Ill. D. Comitif-
 „fæ á DÖNHOF ... domestica „.

3. *Genus* porro plicæ evolutæ quodnam frequentius occurrat, masne an femina, uti & virisne plica mas, femina mulieribus, an contrarium, accidat,

adeo hæc varia sunt ac promiscuâ, vt nihil eorum pro certo dixeris. Imo quandoque utrumque eodem in ægro qua feorlim qua junctim videre est. Sic in s. SCHULTZII (a) Canonico plicæ mares dextram lævamque capitis partem tenere, occiput vero plica femina obsedit. Si recte verba CORNELII TRIOEN (b) assequor, in puero ab illo viso omnes capitis capilli in plicam feminam coiere, cirrosque simul efformarunt e plica villosa exeuntes: „ puer quispiam (nar-
 „ rat Auctor) annos circ. 14. natus e
 „ mendicorum ordine, ipsi eleemosinam
 „ darem, rogavit, quam porrigens
 „ ipsius caput nocturno velatum cucul-
 „ lo adspexi, miratusque hujus disci-
 „ formem figuram, a fronte tempora
 „ & sinciput instar podii circumeuntem,
 „ mea vice quæsiui, quid sub eodem
 „ portaret, præter capillitium, regere-
 „ bat, nihil. Quod si verum sit, acce-
 „ das, repono, domum intres, ac rei
 „ veritatem experiar! Mox remoto ca-
 „ pitio Gorgoneum mihi monstrat ca-
 „ put, capillis adeo implicatis ac in cir-

(a) Vide sympt. prophas. A. n. 9.

(b) Obs. med. chir. fascic. p. 51. sq.

„ ros contortis, ut nec arte nec fer-
 „ rea patientia extricandi essent. Hac
 „ novitate ulteriori indagationi studens
 „ horridum arripui globum, movi ac
 „ elevavi, quo mihi immundities instar
 „ crustæ capiti inhærens magna comi-
 „ tante pediculorum caterva adparuit.
 „ Tum squalidum rogavi, in qua dege-
 „ ret profeucha? velletne matrem ar-
 „ cessere? respondet omnino, qua co-
 „ mite brevi recurrit. Forficem, echi-
 „ num, pectenque sibi compararent, mo-
 „ nui, quid iisdem agendum, docui,
 „ atque hisce expensis parem præbui pe-
 „ cuniam, ea tamen lege & conditio-
 „ ne, quod si e voto pueri detonsum
 „ mihi pridie monstraret caput, me la-
 „ boris pretium aucturum. Ut dictum
 „ factum: redit postero jam ab inutuli
 „ morbofo adparatu purgato cranio, a
 „ pediculis sordidaque porrigine utcu-
 „ que castigato, cujus munditiem ce-
 „ terum curare cutem adhortatus, steti
 „ promissis „

4. *Celeritas geneseos plicæ* tanta subin-
 de est, ut intra unicam noctem evolutio-
 nem observatam reterat VATERUS (a);

(a) l. c.

imo

imo D. HERTIUS (a) „ vidit... in-
 „ fantem 4 circ. annor. triplici plica Po-
 „ lonica laborantem, unam in vertice al-
 „ teras in bregmate habentem, cui pa-
 „ rentes 3 prædictas plicas præcide-
 „ runt sine omni noxa & quod admi-
 „ randum, unius trihorii spatio plicæ
 „ abscissæ de novo sunt conspectæ intri-
 „ catissimæ, ut nullo artificio extricari
 „ potuerint „.

5. *Intricatio* porro quemadmodum
 sese habeat, ei, qui nunquam rem ocu-
 lis usurpavit, verbis neutiquam explica-
 ri potest.

6. *Contenta* denique *plicæ* supersunt
 breviter memoranda, eaque duplicis or-
 dinis, primum quæ crinium tubulis in-
 sunt, tum quæ iisdem extrinsecus inter
 crinium interstitia sese insinuant. Sunt
 vero extrinsecus

a) *Furfures*, porriginem capitis æmu-
 lantes, id quod KORDALY (b),
 TRIOEN (c) aliique notarunt: porro

(a) Misc. nat. cur. dec. 2. ann. 4. obs. 105.

(b) Vide progn. n. 4. B. b),

(c) Vide præced. n. 3.

b) *Pediculi* numerosi, quos BINNINGERUS (a), TRIOEN (b), ceterique notant: mirum tamen est, quod THEODORUS SKUMINORIUS Episc. Gratiopolitanus PLEMPPIO (c) retulit: „se
 „ novisse nobilem Polonum tere sexagenarium in alba Russia, cui pars
 „ capitis plica femina ad instar pilosæ
 „ pyramidis cirrata nullum unquam
 „ habuit pediculum; quin e contrario, si vivus pediculus capiti ejus im-
 „ poneretur, moriebatur „ Intrinsicus vero

c) *Sanguis* tubulos crinium implere a nonnullis asseritur, adeo ut ex discissis capillis plicosis fluxisse dicatur visus. Sic medici Wratislavienses (d)
 „ nec fabula est (inquiunt), quod plicæ
 „ dissectæ sanguinem fundant aliquando;
 „ id enim ita fieri quibusdam nostrum a
 „ Polonis magna cum asseveratione est
 „ confirmatum, : quod ipsum a fide dignis Medicis Polonis sibi affirmatum ait
 VICAT (e). Idem quidem affirmat

(a) Vide cur. chir. n. 3.

(b) Vide præced. n. 3.

(c) Tract. de Pilis. Cap. 7.

(d) Hist. morb. Wratisl. A. 1700. p. 176.

(e) l. c. p. 22. sq.

BONFIGLI (*a*) ac GEHEMA (*b*), & HELLWIGIUS (*c*) exemplum insuper adducit; negat tamen SILVATICUS (*d*) unquam rem sibi visam, negat quoque C. F. SCHULZIUS (*e*) in pluribus centenis plicis ab se visis id evenisse; & Canonicus s. SCHULTZIO (*f*) sancte affirmavit, se sibi plicas omnes absque noxa & sanguinis effluxione aliquoties præcidi curasse. Forte tam parum sanguis in his omnibus, quam parum crines in sanguine plicosorum, reperitur, tametsi istud quoque nonnulli (*g*) affirmant. Alii etsi sanguinem contineri non pertenderent, morbosum tamen aliquid tubulis capillorum inesse voluere observatum. CONNOR (*b*) ab Episcopo Posnaniensi, dum ipsemet sibi plicam abscidisset, sibi narratum refert, observatam ab illo fuisse materiam quamdam halituosam volatilem per crinium tubulos copiose

(*a*) l. c. p. 8.

(*b*) l. c. p. 12.

(*c*) Vide cur. thir. n. 3.

(*d*) l. c.

(*e*) l. c. §. 37.

(*f*) l. c. p. 193.

(*g*) Vid. VICAR l. c. p. 40. sq.

(*b*) Beschr. des Königr. Pohlen P. 2. p. 794.

euntem, quæ cirros curvavit, & contraxit. Sic quoque I. P. HAIN (a) „ob-
 „ servavit in plica alicujus feminæ il-
 „ lustris in Polonia, dum præcideretur
 „ se præsentē: quod corpuscula flava
 „ sulphurea plurima per plicam sparsa
 „ in ea invenirentur, quæ incensa sul-
 „ phur redolebant, sed cum foetoris
 „ alieni intersperso odore „. Sed ho-
 rum omnium fides penes eorum Aucto-
 res esto.

B. *Symptomata* porro plicæ evolutæ quod attinet, si quæ sunt, a prophasi huc extenduntur, quæ nonnunquam evoluta plica ex toto desinunt, velut in ægris BAUERI (b), DANIELIS (c), FISCHERI (d), HERRMANNI (e), S. SCHULTZII (f), STABELII (g), &c. Interdum vero nihilominus, ut ante, sævire pergunt: nisi quod aliquando, facta plicæ evolutione, mitiora aut pau-

(a) l. c.

(b) Vide progn. n. 4. B. a)

(c) Vide cur. chir. n. 4.

(d) Vide sympt. prophas. A. n. 9. B.

(e) Ibid. A. n. 5. 7.

(f) Vide sympt. prophas. A. n. 4. 8. a) 9.

(g) Vide cur. chir. n. 2. b) hist. 1. 5. 7.
 9. 10. & n. 3, hist. 4. 8.

ciora fiant. Perstitere sane in ægris LENTILII (a), SILVA TICIQUE (b), neque in Annalib. Wratisl. (c) ex toto Colonellum reliquit paralyfis, neque LANDEUTTII (d) feminam cephalalgia, neque malum oculorum STABELII (e) virum. Quod tum præsertim accidit, dum acris morbosa materia in stadio primo adeo vehementer partem quampiam corripit, ut nulla amplius naturæ vi inde evocari queat, vel ita jam solida ibidem læsit, ut licet inde evocata sit, vitium tamen velut effectum post se relinquat. Sic in Annalib. Wratisl. (f) nonnemo post iram in febrem quotidianam, cujus caloris stadium 12 horarum erat, deliriumque attulit, incidit: huic fugatæ successit hemi-crania lævi lateris cum inquietudine, vigiliis, anorexia, anxietate, meticulositateque; in oculis pustulæ eruperant

(a) Vide A. n. 2. § 2. c. 1. p. 11.

(b) Vide sympt. proph. A. n. 7.

(c) Ibidem.

(d) Vide A. n. 2.

(e) Vide cur. chir. n. 2. b). hist 7.

(f) Tent. 6. A. 1718. Octob. cl. 4. art.

14. § 2. p. 1760.

cœcitatem minantes : tandem post 4 menses a febris invasione eruperunt plicæ quidem , sed tamen unus periit oculus a vi morbi , nec cetera mala prorsus desistere ; siquidem trimestri alvus non nisi enematis elici potuit , nec debilitas ante $\frac{3}{4}$ anni domo egressum admittit. Felicius autem isto fuit FISCHERI (a) monialis 37 annor. quæ tametsi sceleti in modum extenuata præter arthritidem ulcera quoque inguinum , mamillarum , ac faucium patiebatur , tamen ubi adhibitam medelam evolutio plicæ secuta est , omnia hæc mala superata fuerunt. Perinde vir nobilis 60 annis major , narrantes E. J. NEIFELDIO (b) , a pluribus annis plicæ ac podagræ obnoxius , cum in podagræ dolore iter in frigore humido faceret , isto cessante in atrocem die postero cardialgiam & colicam incidit , quibus mitigatis die 3^o successit asthma cum sputis viscidis , alvo adstricta , febricula lenta , vertigine , doloreque externo capitis ac nuchæ tensivo. Datæ itaque antispasmodicis , expectoranti-

(a) RÜCHNER l. c. p. 1103.

(b) Prim. phys. Med. Polon. Vol. 3. obs. 3. p. 49. sqq.

bus, incidentibusque cum sputa & alvus procederent, symptomata mitiora fiebant: cumque deinde etiam ad revocandam podagram vesicantia circa malleolos pedum posita fuissent, hujus loco plica confestim in capite apparens symptomata omnia fustulit.

CAUSÆ

I. REMOTÆ

A. PROEGUMENAE.

1. *Hereditaria labes*, quam contraxerant ægri FISCHERI (a), KORDALYI (b), LANDEUTTII (c), SENNERTI (d), STABELII (e), &c.

2. *Ætas* etsi maxime ea huic morbo sit obnoxia, quæ *pubertatem experta* jam est; tamen etiam impuberes infantes a plica non sunt immunes, velut qua-

(a) Vide sympt. proph. A. n. 9.

(b) Vide progn. n. 4. B. b).

(c) Vide genes. plicæ A. n. 2.

(d) Vide cur. vir. n. 3.

(e) Ibid. n. 2. b). hist. I.

drimus HERTII (a); præsertim si a parentibus plicosis procreati fuerint: sic apud D. SENNERTUM (b) ComitIS NIC. SAPIEHA hoc morbo gravissime vexati „ filius . . . sexennis primum jam plicas „ aliquot in pilis capitis habebat; idem. „ que etiam aliis accidit „

3. *Sexus* vero quamvis uterque plicam experiatur, tamen teste STARNIGELIO (c) plica „ maximam partem „ feminas invadit „

B. PROCATARCTICÆ.

Has ordinationis doctrinæ causa bifariam dispescere vitum est, nimirum in veras & commentitias: prius has, illas postea expendere oportebit.

Commentitiæ.

I. *Ingesta* varia a variis Auctoribus credita sunt morbo huic dedisse occasionem, et quidem

α) *Venenum Tartarorum* est vulgatissima de origine plicæ in Polonia fabu-

(a) Vide Genes. plicæ A. n. 4.

(b) l. c.

(c) l. c. §. 5.

la, ut videre est apud CONNOR (a): memorat ille, ad A. 1279 sub LESCO nigro Poloniæ imperante incurſionem in Poloniam teciſſe Tartaros, magnamque hominum vim ab iisdem fuiſſe interfectam, exempta ipſorum cadaveribus corda, venenoque infecta in flumina eſſe projecta, e quibus quicumque poſtea bibiſſent, illos plicæ morbo tum primum redditos fuiſſe obnoxios. Idem referunt J. PASTORIUS (b), SPONDANUS (c), BZOVIVS (d), CROMERUS (e), DLUGOSSIVS (f), aliique. Qui vero commento huic nihil detulere, alia ingeſta culpabant, inter quæ

β) *Viſtulæ fluvii aqua pota haud paucis viſa eſt plicam inducere.* Inter ea G. F. STABEL (g) recte notat, „ quod loca quædam ſint, in quibus in- „ colæ ſolam ex flumine Viſtulæ bibunt

(a) l. c. p. 792.

(b) Floro Polonico, L. 2. C. 14.

(c) l. c.

(d) Nomenclat. S. Med.

(e) De orig. & reb. geſt. Polon.

(f) Hiſt. L. 7.

(g) Diſſ. exhib. ſingulares Obſ. de plica Pol. obſ. 4. in HALLERO l. c. n. 17. pag. 258.

„ aquam, quorum tamen nullus un-
 „ quam plica laboravit; multa vero
 „ etiam dentur loca, in quibus homi-
 „ nes ibidem degentes hanc aquam ne-
 „ que gustarunt unquam, nihilominus
 „ tamen sæpius hoc malo corripiantur „
 Alii universim aquas fluminum a monti-
 bus Carpathicis oriundorum culpandas
 censuere, quam in sententiam STARNI-
 GELIUS (a) quoque inclinare videtur.
 Verum negat id H. BONFIGLI (b) eo
 „ quod fluvii dicti in alveum Tyræ con-
 „ currentes & mare nigrum subeuntes
 „ extrema Russiæ Polonicæ tantummodo
 „ lambunt „: paucissimi vero Poloniæ
 fluvii e montibus Carpathicis oriuntur,
 nedum ii, qui eas plagas alluunt, ubi
 plica est endemia, ut in Lithvania, Russiæ
 rubra. Utrum vero acu rem tetigerit H.
 BONFIGLI (c), veram plicæ causam
 in aquarum potabilium in Polonia indolem
 pinguem, sulphuream, salinam, minera-
 lem, rejiciens, viderint alii. Negat omnino
 aquas culpandas esse solas VICAT (d).

(a) l. c. §. 2.

(b) l. c. p. 14.

(c) Ibidem. & sqq.

(d) l. c. p. 24. sq.

γ) *Dieta prava* (sc. alimenta dyspepta, abusus Ψ, & alia hujusmodi) perinde, ut de aquis dictum, sine fundamento incusatur; nam præterquam quod ejusmodi diætæ omnium aliorum populorum plebs infima ubique utatur, imo nonnullis in locis deteriore etiam, quin tamen plica ibidem sit vel nota, nedum endemia, accedit etiam, ut notavit STABEL (a) „ quod multi hel-
 „ luones, qui spiritus ardentis, aut
 „ alium potum spirituosum, largiter sa-
 „ tis ingerunt, hoc malo quandoque
 „ quidem corripiantur, quandoque vero
 „ etiam multi illorum plane ab eodem
 „ liberi maneant „. Ac licet plica ple-
 „ bem fordida egeamque præprimis
 infestet, id non tam diætæ pravæ, quam
 propagato facilius apud eos, communi
 lecto, pileo, &c. utentes, contagio est tri-
 buendum. Cur enim apud laute viven-
 tes etiam plica reperitur? In omni enim
 hominum genere eam vidit C. F. SCHUL-
 ZIUS (b). Et idcirco negat VICAT (c)
 morbum a sola prava diætæ proficisci.

(a) l. c.

(b) l. c. §. 36.

(c) l. c. p. 25. sqq.

8) *Aer insalubris* Poloniæ pariter huc non facit: cum enim is alibi quoque gentium, ac sæpe deterior Polonico, reperiatur, quin plicam procreet, cumque teste STABELIO (a) „ in locis „ nonnunquam salubribus, quæ optima „ gaudent aëris temperie (uti v. g. Bili- „ cium in superiori Silelia), tam multi, „ imo forte plures, hoc malo corripian- „ tur, quam in aliis insalubribus, hu- „ midis, uvidis, non procul inde diffi- „ tis „: plicæ ratio in aëre omnis non potest contineri.

2. *Influxus siderum* e variis eorum aspectibus petitus, etiam si unquam aliquem morbum inducere potuisse credendus foret contra omnia sanæ philosophiæ momenta, plicam tamen invehere quis credat potuisse? Sit enim ita, tum plica utique evanescente illa constellatione, ut SILVATICUS (b) recte arguit, perinde uti omnes aliæ epidemiæ evanescere debuisset: durat vero per tot jam secula, imo increbescit; cum tamen nulla constellatio, nulla aëris epidemica constitutio eo usque durare queat, sed omni mutetur anno in aliam atque aliam.

(a) l. c.

(b) l. c.

3. *Dæmones, incubi, incantationes,* &c. a quibus vulgus Polonicum plicam derivat, confutationem operosam nunquam merentur.

4. *Sordida capitis negligentia* apud Polonos tanquam unica & adæquata plicæ Polonicæ causa ab nonnullis statuebatur usque adeo, ut ii eandem morbum esse negarint, quos inter præsertim fuit THEOPHRAST. VERIDICUS Scotus quidam, sub quo nomine prodiit Tractatus Plicomastix seu plicæ e morborum numero ἀπόσπασμα. 4. Dantisci 1668. Hujus deinde sententiam plures alii sunt secuti. Interea qui exacte ad omnia quæque plicæ adjuncta adverterit animum, gravissima rationum momenta eruet, svadentia plicam nec ab sorditie impexorum crinium apud Polonos ortum trahere posse, nec e numero morborum esse expungendam: quandoquidem

a) *Sordida capitis negligentia & crinium impexio* in millionibus mortalium inter alios quosque orbis terrarum cogniti populos reperiundorum perinde obtinet, quin tamen plica inde illis sit endemia, imo ne nota quidem est, & portentum in modum, si videtur, habetur. Porro

b) Nobilissimis & munditiei studio-
 fiffimis cum viris tum feminis Polonis
 plica non parcit; quis enim immundi-
 tiem dictam ac peccendi capitis negligenti-
 am sibi persuaserit obtinuisse in Colo-
 nellis in Annalib. Wratisl. (a), ac s.
 SCHULTZII (b), ejusdemque (c) Ca-
 nonico, Comite SAPIEHA SILVATI-
 CI (d) ac SENNERTI (e), illustribus-
 que feminis BERNITZII (f), & DA-
 NIELIS (g), innumerisque aliis in hac
 Differtatione reperiundis? „ Ridendi,
 „ inquit C. H. ERNDTELIUS (b) ...
 „ penitus mihi videntur, ut leves &
 „ imperiti, qui sorditiem & ignaviam
 „ solam in peccendis crinibus huic mon-
 „ strosæ complicationi primam dare ori-
 „ ginem existimant, ignari fortassis,
 „ quod Polonorum nobilissima gens pa-
 „ trio more lunata fronte incedat, ca-
 „ pitisque amet levitatem. Vidi non

(a) Vide sympt. prophat. A. n. 7.

(b) Vide ibid. n. 10.

(c) Vide ibid. n. 9.

(d) Vide sympt. prophat. A. n. 7.

(e) Vide caus. proeg. n. 1.

(f) Vide cur. chir. n. 2. b).

(g) Vide ibid. n. 3.

(b) Warsav. phys. illustr. c. 5. p. 158.

„ semel in munditie exactissimos ab hoc
 „ malo tamen liberos esse haud potuisse;
 „ & in specie recordor Generalis cujus-
 „ dam officialis bellici, natione quidem
 „ Poloni, ast qui diu etiam in Saxonia
 „ commoratus fuit, tandem Posnaniæ
 „ per paucos aliquot annos degentis,
 „ qui non obstante omni corporis cura,
 „ cui maxime deditus erat, propter se-
 „ xus sequioris amorem, tantam con-
 „ traxit in capite plicam, ut vix pere-
 „ grino capillitio contegere satis illam
 „ potis fuerit,,. Quid quod

c) Fœtus cum plica ex utero prodiisse
 experientia sibi constare STABELIUS (a)
 testatus fuerit? Quam in his sorditiem
 incusabit VERIDICUS? Hæc de plicæ
 subjectis. Spectemus nunc plicam ipsam
 cum occultam tum evolutam.

d) Symptomata prophaseos nume-
 ro, magnitudine, diuturnitateque atro-
 cia qui considerat, nunquam ei in men-
 tem veniet, quemadmodum hæc ab so-
 la sordida negligentia ortum trahere que-
 ant (b): eademque est ratio symptoma-

(a) Vide (l. c. in genes. plicæ n. 2.) obs.

(b) Vide Prophasin.

tum plicæ ablatae (a) succedentium.
Deinde

e) Plicæ genesis in barba ac pube (b). Etiamne loca hæc apud ullos mortales culturam quampiam ac munditiam peculiarem unquam sortita sunt, ut iis neglectis plica ibidem orta jure imputari possit?

f) Longitudo plicæ insolita, dum alii vicini crines insigniter fuere breviores, velut in femina LANDEUTTII (c), qua ratione e solo munditiei neglectu proficisci queat, OEDIPO opus est, qui divinet; præsertim dum longæ id genus plicæ in pubis crinibus generantur, qui nunquam nisi curti esse solent, velut in HAINII (d) muliere, cui pubis plica sesqui ulnam longa erat.

g) Celeritas porro evolutionis plicæ, quæ interdum spatio noctis accidit (e), cujus rei exemplum refert J. F. BACHSTROHM (f): „mulieres

(a) Vide cur. chir. n. 3.

(b) Vide genes. plicæ A. n. I. b). c).

(c) Vide ibid. n. 2.

(d) Vide ibid. n. I. c).

(e) A. VATER l. c.

(f) Diss. de Plica. Hafniæ 1723.

„ plures nobiles comptissimæ, tædio hu-
 „ jus mali inductæ, quidquid ex rescin-
 „ dendo noxæ provenire posset, sper-
 „ nentes, ad cutim usque abradis capil-
 „ lis, quotidie postmodum bis aut ter
 „ de capillis pectendis sollicitæ fuerunt,
 „ quo complicationi novæ occurrerent;
 „ sed post tempus aliquod renovatis do-
 „ loribus eisdem per unam noctem ex
 „ improvise, nemine, neque ipsis at-
 „ tendentibus, sub lenissimo formicarum
 „ repentium sensu, adeo contorti atque
 „ complicati fuerunt crines, ut omnem
 „ pectendi extricandique conatum peni-
 „ tus eluderent,,. Hæc celeritas ergo,
 imo major, qua & in infante HERTII (a)
 abscissa intra 3 horas recrevit, qui sor-
 ditiem arguere solam queat, nemo, opi-
 nor, satis assequetur. Sed

h) Bruta (b) unde quæso plicam
 nanciscuntur? Ab neglectu munditiei?
 Quot non plicosos equos per orbem ter-
 rarum dari ex hac causa oporteret, dum
 tamen nuspiam, nisi ubi plica hominibus
 est domestica, reperiuntur. Denique

(a) Vide *genef. plicæ* A. n. 4.

(b) *Ibid* n. I. d).

i) Lycopodio quid faciemus, cujus decocto capiti adhibito, etsi prius munde habito, plicæ eruptio obtinetur^(a)? Ex his ergo satis patere arbitror, plicam fordida capitis negligentia, neutiquam tribui posse, esseque illam haud fecus, ac luem veneream, scorbutum, lepram, &c. in numero morborum habendam, quidquid Scoto illi VERIDICO (imo Fallidico) fecus fuerit visum. Percurrimus sic causas commentitias plicæ: nunc videndæ sunt

Vere.

I. *Contagium* ab aliis plicosis contractum, quod variis modis evenire potest, nimirum aut pileum plicosi capite gestando, aut in lectis plicosorum somnum capiendo, aut in balnea, ubi illi se abluerant, descendendo, aut plicosum virus in ingestis sumendo, &c. FISCHERUS ^(b) profecto „notabat . . „ in hoc affectis malo, quod omnes, „ quotquot hoc corripiebantur, naturaliter in id inclinabant, & dispositi „ erant, ita ut vel hæreditate paterna

(a) Vide cur. chir. n. 2. b).

(b) l. c. ad sympt. prophas. n. 10.

„ filii a parentibus; vel per contagium
 „ unus ab altero, illud acquisiverit,,
 Ut proinde omnis hic morbus non nisi
 binis his modis contrahatur. Narrat
 P. R. VICAT (a) illustrem Germanam,
 ubi cassidem suam Polonæ gestandam
 concessisset, receptamque ipsa denuo ge-
 stasset, plicam inde contraxisse. Quod
 ad ingesta attinet, Judæi (invisæ super-
 stitionis hominum genus) in Polonia cre-
 dentes se a plicæ molestiis liberatum iri,
 si eam in alios transplantare possent, te-
 ste BONFIGLIO (b) „ propriam plicam
 „ abscissam in cerevisiam, crematum,
 „ aut mulsam infundunt, & immundos
 „ liquores aut hospitibus propinant,
 „ aut alibi vendunt: idque a fide di-
 „ gnis narratum acceperat (Auctor),
 „ asseverantibus spurcissimum tale cri-
 „ men passim a Judæis patrari, qui pu-
 „ tant plicæ morbum ab ipsis in pota-
 „ tores transplantari,,. Quantum ve-
 ro ad balnea, si verum est, quod GEHE-
 MA (c) refert, hujus certe sit loci,
 oportet, nempe „ retulit (ait ille) mi-

(a) Memoire sur la Plique Polonoise p. 12.

(b) l. c. p. 19.

(c) l. c. p. 14.

„ hi fide dignissimus marticola aliquis,
 „ se quondam in provincia Ukraina,
 „ cum bellum gereretur contra
 „ Cosaccos, duos sub vexillo suo ha-
 „ buisse milites, alterum genere Gal-
 „ lum, alterum Germanum, qui impe-
 „ trata venia, ut abluere se in proxi-
 „ mo stagno liceret, vix se se immer-
 „ gentes innumerabiles contraxisse pli-
 „ cas, præsertim Gallum, multa paulo
 „ ante cæsarie ornatum „ Interea
 „ nostrum, inquit H. LUDOLFF (a),
 „ super hac re iudicium si desideres,
 „ non audemus morbum hunc inter con-
 „ tagiosos referre; talis enim si esset,
 „ non facile quis cum plica affecto con-
 „ versaretur: cujus tamen contrarium
 „ fieri, quotidie observare licet „ At
 „ vero, si innoxia conversatio plicam con-
 „ tagiosis morbis eximeret, profecto nec
 „ lues venerea, nec scabies, nec hydro-
 „ phobia, &c. contagiosæ essent. Singu-
 „ lis quippe contagiosis morbis certus est
 „ contagii applicandi, ut communicetur al-
 „ teri, modus.

(a) Diss. de Plica 4°. Erford. (Resp. M.
 LÜTTKE) §. 15.

2. *Capitis externi morbi*, ut vuln-
 era, ulcera, &c. materiam plicofam vel
 facilius ab extrinsecus alliciunt, vel in-
 tus latentem in capillos derivant. Do-
 cumento hanc in rem sunt ANHOR-
 NII (a) juvenis, & femina FEHR II (b).

II. PROXIMA.

Quemadmodum in aliis abstrusæ indolis
 morbis varii circa proximas eorum cau-
 sas varia proferunt: ita & in Plicæ Po-
 lonicæ causa proxima assignanda accidit,
 velut in MEIBOMIO (c), SENNER-
 TO (d), SILVATICO (e), SCHUL-
 ZIO (f), aliisque (g), videre est.
 Si tamen studiose remotæ expendantur
 causæ, facile apparebit causam proximam
 debere esse *miasma peculiare actuosum*
redditum: quod utrum naturæ salino-sul-

(a) Vide progn. n. 3.

(b) Vide cur. chir. n. 3.

(c) Diff. de pilis eorumque morbis §. 24.

(d) l. c.

(e) l. c.

(f) l. c. §. 34.

(g) Vide VICAT l. c. p. 15. sqq. H. LU-
 DOLEFF l. c. §. 8.

phureæ sit, velut STABEL (a) existimat, haud laboro. Quæri melius posset, unde miasma hoc Polonis endemium? Nam ita iis solis est proprium, ut licet hic illic aliquos aliarum nationum homines plicosos reperire sit, v. g. quales tuere ægri FISCHERI (b), HÜNERWOLFII (c), LANDEUTTII (d), LENTILII (e), &c. tamen si res bene penitetur, non nisi, qui vel Poloniæ contermini sunt, vel olim in Polonia vel a plicolis contagium susceperè, vel a majoribus plicosis procreati sunt, præsertim e Polonia oriundis, afficiantur: quod ipsum tuetur VICAT (f). Memorix quidem prodidit SCHENCKIUS (g), Brisgois, Alfatis, Belgis, nonnullisque Rhæni tractionis plicam esse quasi endemiam; sed id hodie secus se habet: ut proinde haud liqueat, quemadmodum seculo 16^{to} plica iis in locis invaluerit, quaque postea ratione desierit, ut hodiè

(a) l. c. Obs. 5.

(b) Vide sympt. proph. A. n. 5. 10.

(c) Vide genef. plicæ A. n. 1. b).

(d) Vide ibid n. 2.

(e) Ibidem.

(f) l. c. p. 13.

(g) Obs. med. L. 1. Obs. 13.

folis pene Polonis eorumque vicinis fida
 fit in vita comes. Negat id tamen H.
 LUDOLFF (a) „ meam . . . (ajens)
 „ si desideres sententiam, intrepide sub-
 „ scribo . . . Plicam adeo non esse mor-
 „ bum Polonis Lithvanisque endemium,
 „ ut potius in diversis quoque a Polo-
 „ nia & Lithvania regionibus quando-
 „ que observata sit, ac etiam nunc obser-
 „ vetur. Nam et Hungaros item Russos
 „ a morbo hoc vexari compertum est;
 „ imo & in Germania non ignotum il-
 „ lum esse morbum experientia tum alie-
 „ na tum propria mea confirmare pos-
 „ sum. Vidi quippe Jenæ, cum ibi . . .
 „ sectioni anatomicæ feminæ cujusdam
 „ ab E. D. D. & P. O. FICKIO peractæ
 „ interesset, plicam feminæ dictæ, quæ
 „ nunquam terram Polonicam attigit,
 „ caput deformare, quam etiam abscis-
 „ sam adhuc asservo in documentum pli-
 „ cæ aliis quoque nationibus præter Po-
 „ lonicam insidiantis. Plura exempla
 „ feminarum Jenæ viventium asserre,
 „ si liceret, paratus essem „. Sed si
 quis varios contagiorum modos animo
 reputet, facile dabit, Romæ etiam pli-

cas occurrere posse, quin ideo plicam Romanis endemiam esse statuat. Quidquid sit Origo sane hujus mali semper ignota (opinor) manebit, haud secus ac luis venereæ & variolarum. R. FONSECA (a) suspicatur ex epidemia quadam peculiari in Polonia occepisse, postmodoque hæreditaria labe abivisse in endemium morbum. ERNDTELIUS (b) vero credidit hæreditariam labem plicæ inde provenisse, quod dum feminæ Polonæ a Tartaris vi fuissent compressæ, rigidæ iis steterint comæ præ horrore, sicque imaginatione hac foetus earum fuisse affectos, ut plicoli postea evaserint. Sed quid non opinari licet?

DIAGNOSIS.

Diagnosin plicæ Polonicæ instituturo bina sunt animadvertenda: primum ut plicam occultam agnoscat (id est, ut symptomata prophaseos non aliunde, quam a latente plicæ miasmate producta esse certis indiciis detegat), tum ut plicam

(a) Consult. I.

(b) Warsaviæ physice illustratæ p. 154.

præsentem jam, morbosane an arte facta sit, (id quod mendicabula quandoque ingeniose mentiendum suscipiunt, ut stipem corradant) rite dignoscat.

I. *Occulta plica detegitur, si*

1. *Causæ* ejus prægressæ sunt, ut contagii contracti suscipio probabilis, vel si a plicosis parentibus æger est procreatus, vel si prius jam plicam gestavit, quæ vel sponte defluxit, vel ablata est violente.

2. *Symptomata* plicæ latenti solennia, præsertim pica, ungues deformes, arthritis, capitis dolor, sudor viscidus, porrigo, &c.

3. *Remedia* morbis prophaseos, si ut primarii tractati aliquo tempore fuerunt, frustra adhibita, præsertim talia, quæ alioquin efficacissima in id genus morbis esse solent.

II. *Evolutam ficta mentiens dignoscitur, si*

1. *Intricatio* non in caudice, ut BONFIGLII (a) verbo utar, sed in medio & circa extremitatem crinium sit; vera enim plica in ipsis crinium exordiis mox intricata perinde est, ac in decursu. Si

(a) l. c. p. 8. 9.

2. *Habitus* temperiesque nativa crinium adest. Veræ enim plicæ crines a ceteris non intricatis habitu ac temperie magnopere discrepant. Si porro etiam

3. *Heterogenea* crinibus implexa sint, ut palææ, & similia, quæ plicæ arte factæ texturam cohesionemque conservant. Si denique

4. *Odor* vel terebinthinæ vel alius plastici corporis in plica deprehendatur. Familiaris enim impostura, teste SCHULZIO (a) est in Polonia barbitonsoribus Judæis, ut ægris, quos perperam alienis remediis quibusdam in morbis tractarunt, morbumque e malo deteriorem fecerunt, fucum faciant, ægritudinem exasperatam a plica provenire, conciliando iis, opeterebinthinæ capillis clami ductæ, plicam artificialem : quæ tamen fraus solo ☞ rectificato altuso, qui terebinthinam solvit, detegitur. Denique

5. *Diuturnitas* temporis ipsa plicam fictam a vera discernit „ si comæ, quo „ magis excrescent, eo longius glutinatum tricam a cute asportaverint, „ quarum pars dum continuo a pondere

„ tracta sua radice secedat, & semper
 „ tricus inhæreat, molem tamen adau-
 „ gere solet, ut viderit BONFIGLI (a)
 „ hujusmodi plicas tandem de toto era-
 „ dicatas per se cecidisse „.

PROGNOSIS.

I. *Diturna fœditas hæc est nonnullis*,
 ut quæ multis annis circumteratur, nec
 nisi cum vita subinde delinat. Multis
 annis gestatam narrant BERNITZ (b),
 LENTILIUS (c), ac STABEL (d).
 Nominatim vero 10 annos duravit in
 APINI (e) muliere, duodennem vi-
 dit in alia STABEL (f), in viro (g) au-
 tem toto vitæ tempore. ÆGERANHOR-
 NII (h) 36 annis eam circumtulit, 50
 annorum erat WEDELII (i) femina,

(a) l. c. p. 9.

(b) Vide cur. chir. n. 2. b)

(c) Vide genef. plicæ A. n. 2.

(d) Vide cur. chir. n. 3. hist. 3.

(e) Vide progn. n. 3.

(f) Vide cur. chir. n. 3. hist. 8.

(g) Ibid. hist. II.

(h) Vide progn. n. 3.

(i) Vide genef. plicæ A. n. 2.

eui a tenëris malum erat infestum, FLOERICKII (a) denique ægram 52 annis plica detinuit.

2. *Deteriorne est plica femina præ mare?* A. VATERUS (b) plicam feminam & rariorem & curatu difficiliorem esse perhibet.

3. *Defluit interdum vario eventu, ita ut, si plures adiint, vel omnes decident, vel aliquæ solummodo ceteris perstantibus, idque aut sine valetudinis detrimento, aut morbosis symptomatis succedentibus.* Porro delapsæ plicæ aut alia postmodo succrescit, aut nulla.

„ Quidam, inquit STARNIGELIUS (c),
 „ quamquam perrari, cum aliquot annis hoc genere morbi cruciati exagitatiq; fuissent, nec caput rasisent, vexationemque ejus omnem & pedorem & spurcitiem non sine summa molestia & nausea pene intolerabili pertulissent, tandem virulentis illis cirris decidentibus convaluere; maxima tamen pars perit „ Sic s. J. APINI (d) mulier Brunsvigæ . . .

(a) Ibidem.

(b) l. c.

(c) l. c. §. 6.

(d) Act. nat. cur. Vol. 3. Obs. 102.

„ lignarii fabri uxor circa 40 ætatis suæ
 „ annum præter omnem tibi cognitam
 „ occasionem sive causam in capillitio
 „ ad occiput versus enascentem sensit
 „ plicam : hanc eo magis patienter
 „ ipsa tulit, quo minus incommodum
 „ inde accepit : de averruncando etiam
 „ hoc minus sollicita , quo magis id
 „ periculosum fore audivit, gestatione
 „ vero illius nescio quam prosperitatem
 „ se consecuturam persuasum habuit.
 „ Cum interim ad 7 pedum longitudinem
 „ plica increvisset, nullo dolore, nisi
 „ levioris interdum contorsionis sensu
 „ ad radicem molesta, decimo demum
 „ a prima origine anno accidit, ut ma-
 „ tutino tempore ex improvise tota ex-
 „ cideret , paucis apparentibus capillis
 „ jam aridis factis, qui radicum vicem
 „ præstiterant. Mulier autem , sicut
 „ antea satis bene valuit, ita post ca-
 „ sum plicæ nihil adversæ valetudinis in
 „ hunc usque diem experta est, neque
 „ renascentem deprehendit plicam , , ,
 J. J. NEUHOLD (a) narravit Ju-
 daus uxori suæ sponte plicam excidisse,
 quin porro recreverit. Scabino vero

(a) Act. nat. cur. Vol. 3. app. p. 159.

s. SCHULTZII (a) cum cirri aliquot excidissent, duo tamen perstiterunt. Contra ea FEHRII (b) mulieri binas habenti plicas cum ambæ excidissent, una 3 ulnas longa recrevit. Rarius vero accidit, ut plica femina defluat, utpote innumerabilium capillorum radicibus hærens; decessisse tamen eam vidit s. SCHULTZIUS (c) in Comite femina, cui absque ulteriore noxa alii capilli nigri succrevere. Secius vero res habuit in s. s. ANHORNII (d) fabro lignario ad 21 usque ætatis annum, si variolas morbillosque excipias, semper sano: tum vero e valida nuchæ a parietum anconibus contusione, postquam ad tempus attonitus jacuisset, acciti cyatho propinato ad se reversus nil mali sensit, præter dolorem nuchæ, sua sponte dein evanidum, qui stigmatis notam post se reliquit tuberculum mobile, indolens, cuti concolor, piso vix majus, pollicem supra atlantis proces-

(a) l. c. p. 199. Vide symptomata prophas. A. n. 4.

(b) Vide curat. chirurg. n. 3.

(c) l. c. p. 199.

(d) Misc. nat. cur. dec. 2. ann. 10. obs. 19.

sum superiorem conspicuum ; cuius e confiniis haud ita multo post cirrus subviridis $\frac{1}{2}$ ulnam longus excrevit, ac decennio post in bona valetudine transacto sponte inopinatoque excidit. Quo facto tuberculum haecenus nil mutatum nunc crevit usque adeo, ut tandem omne inter scapulas spatium explens alas quoque homoplatarum contegeret, doleretque, donec ferro aliisque praesidiis non sine summa difficultate ablatus aegrum pristinae restituisset valetudini. Ita & apud VICAT (a) matrona illustris, quod remedia praescripta nec debito tempore nec diligenter usurparit, non nisi lente a plica convaluit. Inde tamen quotannis circa idem tempus, quo primus morbi insultus contigit, novi redibant paroxysmi. Post iram terroremve melancholiam & convulsionem (interdum aliquot nonnisi horarum, alias pluribus etiam diebus durantes) patiebatur ; qui paroxysmi hysterici multum analogi erant : extra eosdem tamen prorsus sana esse matrona videbatur.

4. *Ablata improvide, aut mutilata, graves morbos, imo mortem etiam, post*

(a) l. c. p. 50.

se trahit, ut suo loco (a) videbimus ; nisi ubi vel recrefcit denuo plica, vel Metastasis aliqua cutanea morbos ejusmodi tollit.

A.) *Regeneratio plicæ* profecto nonnunquam illico id genus ægritudines abolevit, veluti e STABELII (b) casibus apparebit. Imo vero haud prius interdum symptomata cedunt, quam plica vel mutilata ad pristinam recreverit mensuram. Sic novit HELLWIGIUS (c) „ virum temperamenti cachectici, obesi corporis, & vultus „ pallidi, qui cirrum densum, longum, „ a cervice ad lumbos usque pendulum, „ ac mire implicatum & inviscatum in „ cervice gerebat ; qui quidem aliquoties ob spurcitiem . . . copiosam & „ foetidam, tanquam diffractus ad tertiam pene partem in extremitate „ sponte desilivit : sed tunc uno alterove symptomate gravi vir iste molestatatur, usque cirrus ad priorem mensuram procrederet „ Quod si vero plica non recrefcit, solet nonnunquam fieri materiæ morbosæ critica

(a) Vide cur. chir. n. 3.

(b) Ibid. n. 3. hist. 3. 4. II.

(c) l. c. p. 137.

B.) *Metastasis* cutanea, ut est

a) *Exanthema* aliquod, cujusmodi casum observavit C. F. BAUER (a) in Judæo 46 annor. crebris prius morbis vexato, evoluta autem plica utcunque sano, qua sufflaminata, accedente simul graviore ira, in gravissimam incidit febrem cum vomitu, alvo clausa, vigiliis, anxietatibus, &c. non prius fugandis, quam exanthema vesiculare in brachia ac pedes se effudisset; vesiculæ sola fere magnitudine a miliaribus rubris discrepabant, in brachiis rubræ, solidæ, in pedibus rubræ itidem, at pellucidæ, ichoreque refertæ. Quæ confluxere in unam, hæc facile nucem juglandem æquabat, interjectis aliis pisum magnis: incisæ ichorem flavescensem dedere, &c. Intra 6 dies exsiccatae sunt, ægerque legitima medendi methodo convaleuit.

b) *Ulcera*, præsertim glandularum. Narrat I. M. KORDALY (b) operarium 42 annor. Polonum a semestri jam cedemate pedum, cephalalgia, vagaque arthritide, vesperi præsertim ingrave-

(a) Primit. phys. med. Polon. Vol. 2.

Obs. 7. p. 46.

(b) Diss. de plica Polon. §. 3.

sciente semper cum pulsu febrili duro (qui
 mane naturalis erat) vexabatur. A pa-
 rentibus tota vita plicosis prognatus
 erat, ipseque etiam ab infantia cirris in
 capite variæ figuræ ac longitudinis fœda-
 tus, & per intervalla vaga arthritide ve-
 xatus erat. Data per bimeltre sub ve-
 speram temperantia, mane vero & in-
 terdiu TR^a alcalino-martialis cum sapone
 terebinthinato quater ad gtt. 30. Addi-
 tum decoctum e lign. Guaj. rad. Acet.
 Liquirit. Sarsap. Turionib. Lupuli, H.
 Sapon. Cochlear. & Trifol. fibr. Inter-
 jecta quovis 5^{to} die cathartica e rheo
 & manna: unde majore cirrorum intri-
 catione procurata æger melius habere
 cœpit. Tum roborantia balsamicaque
 exhibita, & cirri forfice præcisi, queis
 ablatis uberrimæ squammulæ furfuraceæ
 in capite conspectæ. Vix omnia sym-
 ptomata desiere, cum tumor glandulæ
 inguinalis cum dolore & febre occe-
 pit, qui emollientibus maturatus inci-
 susque materiam ichorosam flavescens
 foetidam effudit, simulque crines con-
 voluti ac viscida materia infecti ex ulce-
 re evolvebantur. Ulcus lege artis con-
 sanatum, ægerque convaleuit, relicta ta-
 men plica ad pubem, quam abscinde-
 re consultum haud videbatur.

C U R A T I O.

I. I N D I C A T I O N E S.

1. Miasma plicosum enervandum, expellendum.

2. Evolutio plicæ acceleranda, promovenda.

3. Symptomata mitiganda, abolenda.

4. Effectus in solidis fluidisque morboſi corrigendi.

5. Recidiva ulterior morbi præcavenda.

II. I N D I C A T A.

A. P H A R M A C E U T I C A.

1. *Cathartica*, niſi evidentia ſaburæ primas vias inſidentis indicia adtuerint, prorſus vitanda ſunt; quippe quæ materiam tubulos capillorum ſubire molientem introrſum revocent, quæ revulſa ſic in alias ſævit partes. Notavit id jam STARNIGELIUS (a) dicens :
 „ purgationibus uſitatis ſi illi (morbo)
 „ medeare, ægreſcit & exſuperat ma-

(a) l. c. §. 4.

„gis, quod noxios humores nequeat
 „superare purgatio, sed commotos per
 „totum corpus dispergat; tanto enim
 „dolore omnium deinceps membrorum
 „hac affecti peste ardent, ut ad cru-
 „ciatus acerbicatem nihil possit esse
 „acrius,,. Et s. SCHULTZIUS (a)
 testatur ab hoc remediornm genere alios
 cæcos, claudos alios fieri, alios alio
 modo graviter affici. Perinde testatur
 H. SAXONIA (b), relatum sibi ab Illust.
 Capitaneo Polono J. de OCIESNO, fuisse
 multos ab se cæcos visos, quosdam
 claudos, alios aliter affectos, quod prin-
 cipio plicæ cathartica adhibuerint. Inter-
 ea tamen, si alvus admodum est adstri-
 cta, lenissima eccoproctica non sunt ne-
 gligenda. — — — — —

2. *Diaphoretica* vero, queis simul vis
 sanguinem depurandi inest, eximio cum
 effectu dari solent: his enim miasma
 promptius in crinium tubulos & vasa cu-
 tis exhalantia expellitur. Hinc

a) *Lignorum decoctum* utile depre-
 hendit STABEL (c): neque minus uti-
 lia fuere

(a) l. c. p. 169.

(b) l. c.

(c) Vide cur. chir. n. 2, b) hist. 1.

b) *Antimoniata* (a), ut regulus medicinalis, TR^a §ⁱⁱ □fata, &c. Perinde

c) *Serpentaria Virginiana* est hic efficax, de qua J. E. HERMANNUS (b)
 „ remediis (ait) enarratis palmam præ-
 „ ripuit semper radix serpentariæ Virgin.
 „ vel in §^c, Effentia aut Extracto da-
 „ ta. . . Multoties cum viderem effe-
 „ ctum plane singularem in malignis pur-
 „ pura, variolis, morbillis, periculum
 „ feci, quid sit præstitura in plicoso
 „ morbo. . . . Exhibuique eam mix-
 „ tam cum §^e Bezoar. LUDOVIC. aut
 „ cum §^e ad strumas Augustano ter vel
 „ bis de die, & fere nunquam frustra-
 „ neus fuit effectus. Non solum . . .
 „ faciliorem plicæ exitum procuravit,
 „ sed etiam diaphoresin auxit. . . Me-
 „ liorem tamen successum expertus sum
 „ a data in §^{is} forma, quam in effen-
 „ tia & extracto. . . Dosis summa est
 „ scrupulus. Nolo quidem hanc radicem
 „ titulo specifici contra Plicam insignire,
 „ commendo tamen ulteriori & circum-
 „ spectæ experientiæ Medicorum, qui
 „ occasionem habent tractandi hunc mor-

(a) Ibidem.

(b) l. c. Epicris. ad cas. 3. n. 13 p. 182. sq.

„ bum , hujus remedii usum. Confir-
 „ mabunt forsan meam sententiam, nul-
 „ lum adhuc nobis cognitum esse reme-
 „ dium, majoribus viribus contra Pli-
 „ cam instructum radice serpentariæ Vir-
 „ ginianæ „.

3. *Specificæ*, miasma plicosum doman-
 tia, etsi complura prolata sint, nullum
 eorum tamen hucusque medentium vo-
 tis satisfecit. Horum vero in censum ab
 nonnullis relata sunt sequentia:

a) *Mercurius*. De hoc M. B. a BER-
 NIZ (a) „ hoc (inquit) scio pro cer-
 „ to, & sæpissime probavi, quod ☿
 „ vulg. (qui alias morbum Gallicum cu-
 „ rare solet) etiam in plica certissimum
 „ fit remedium, & qui illam infallibili-
 „ ter per salivationem expellere solet;
 „ nisi alia sint impedimenta & causa
 „ aliqua conjuncta „. Idem se quotidiana
 experientia edoctum esse de in-
 unctione mercuriali ait HERCULES SA-
 XONIA (b). Non indignum est literis,
 quod refert J. D. GOHLIUS (c): „ no-

(a) Misc. nat. cur. dec. 1. ann. 2. obs. 52.
 Sch.

(b) Prax. med. panth. L. 10. c. 7.

(c) Act. med. Berolin. Dec. 1. Vol. 4. art.
 3. p. 71. sq.

„ bilis Polonus juvenis patriam mutans,
 „ ex plica in peregrino demum aere
 „ contracta & non satis procedente, ar-
 „ tuum rheumatismis variis, præsertim
 „ oculorum doloribus, vertigine, glan-
 „ dularumque inguinalium & subaxilla-
 „ rium intumescentiis laborans A. 1717.
 „ aquas minerales potabat Freyen-
 „ waldenses, balneaque ibidem usurpa-
 „ bat per dimidium circ. mensem, nec,
 „ quod sperabat, symptomatum prædi-
 „ ctorum remissionem obtinere poterat.
 „ Anno autem . . . 1718. . . . saliva-
 „ tioni cum panacæa § ⁱⁱ . . instituen-
 „ dæ subjicitur: qua absoluta nullis re-
 „ mediis laxantibus, in quacunque etiam
 „ adhibita fuerint formula, ne quidem
 „ per clysteres ordinarios alvus ipsi mo-
 „ veri potuit; soli demum clysteres sal-
 „ si id obtinuerunt, ubi dein dejecit
 „ conspicuam quantitatem crinium con-
 „ volutorum, referentium illam lanugi-
 „ nem, qua bombycum capsæ sericææ
 „ ovales, intra quas se abscondere so-
 „ lent nentes, obsitæ sunt. Huic ita
 „ feliciter transactæ curæ mense Jul.
 „ A. 1718. denuo subjunxit usum bal-
 „ neorum Freyenwaldensium, ex com-
 „ mendatis specificis simul paratorum,
 „ nimirum Lycopodio, branca ursina,

„ agrimonia, additis florib. Chamom.
 „ Sambuc. Melilot. & herba Malvæ.
 „ Post hæc bene valet,,. Interea ta-
 men sæpenumero Mercurius hoc in
 morbo non modo nil profecit, sed ob-
 fuit etiam, velut in STABELII (a) femi-
 na, & FISCHERUS (b) „ ipse obser-
 „ vavi (ait), & sancte fateri possum,
 „ quod hæc medicamenta (sc. cathar-
 „ tica, diaphoretica, & lia) plus no-
 „ ceant, quam profint,, Hinc HER-
 MANUS (c) iis „ (inquit), qui venerea
 „ lue infecti labe hac simul laborant,
 „ salivatio & lis caute instituta valde est
 „ proficua. Alias per istam multa mala
 „ e. gr. artuum dolores, translationesque
 „ materiæ ad partes externas & inter-
 „ nas, esse subsecuta memini,, VI-
 CAT (d) tamen non reformidavit & lia,
 modo ptyalissimum non moverent; &
 ideo & em alterantem adhibuit.

b) *Musculus terrestris* seu *Lycopodium*
clavatum LINNÆI, quod Polonis etiam
Cingularia & *Plicaria* (a virtute ejus

(a) Vide cur chir. n. 2. b) hist. 1.

(b) l. c. Tent. 14. p. 403.

(c) l. c. epicr. n. 19. p. 186.

(d) l. c. p. 62.

Plicæ evolutionem promovente) audit. Hujus vegetabilis usurpandi in Polonia, teste M. B. a BERNIZ (a) adversus Plicam isthæc observatur methodus: „ accipiunt . . . muscum, . . . postea „ infundunt decocto Brancæ ursinæ, „ prius optime calefacto, & post unam „ vel alteram lenissimam adhuc ebullitionem adjiciunt aliquid fermenti, illudque reponunt postea ad fermentandum prope fornacem. Alii vero accipiunt Muscum illum divisum & crassiuscule dissectum, & folia Brancæ ursinæ, etiam prius siccata, part. æqual. coquunt ista cum aquæ simpl. fluviat. s. q. tamdiu, donec decoctum saturate flavum colorem contrahat. Decocto prius colato admiscent aliquid fermenti vulgaris acidi, (panis siliginei a pistore desumpti) vel fermentum huic usui destinatum, nempe ex ʒss Brancæ ursinæ, pane bis cocto, & fermento ordinario parato, reponuntque illud ad fornacem per dies aliquot, donec saporem quasi acidiusculum contraxerit. Et ita decoctum huic morbo idoneum est. Pro usu or-

„ dinario ad tabulam, & ad juscula,
 „ ita & ad alia fercula, mediante hoc
 „ decocto paranda, sc. capones, galli-
 „ nas, vitulinam carnem, & similia,
 „ qualia in tabulis Nobilium hic in Po-
 „ lonia quotidie (non ingrati saporis)
 „ apponi solent. Hoc decoctum dicto
 „ modo absque Plicaria . . . paratur,
 „ ex hac ratione, quoniam apud mul-
 „ tos aliquando vomitus excitare solet.
 „ Hi vero, qui plica laborant, eligunt
 „ sibi decoctum primum e plicaria para-
 „ tum, & illud ita per se, aut cum ovis
 „ rec. in forma jusculi quotidie bibunt,
 „ & comedunt,,

c) *Cuscutam* quoque multis in usu
 esse narrat C. F. SCHULZIUS (a),
 licet de ejus virtute sua sibi e praxi ni-
 hil dum constaret. Quod autem *hæma-
 tites* teste eodem ab ETTMÜLLERO
 in plica admodum laudetur, in genui-
 nis ETTMÜLLERI Opp. nihil reperio.
 Credibile est, SCHULZIO supposititia
 hujus Auctoris opera, quæ olim exie-
 rant, ad manum fuisse.

(a) l. c. §. 45.

B. CHIRURGICA.

I. *Sanguinis missio* haud secus, ac purgantia, ob eandem prorsus causam, cane pejus & angue morbi initio vitanda est, teste s. SCHULTZIO (a) inquit: „ quibus hactenus in principio morbi Væ So instituta est, „ plus obfuit, quam profuit. Ill. matronam Polonam, cui vena cubiti „ in principio secta est, confestim severissimos in eo brachio dolores cum tumore œdematoso passam esse: pari „ modo in pedibus vena aperta dolores „ acerbissimos in utroque crure ad maleolos excitatos fuisse testatur HERCUL. SAXONIA (b) quibus nos „ etiam libenter suffragamur, plurimis „ plica laborantibus id affirmantibus, „ propriaque experientia edocti „. Non tamen nunquam Væ Sui locus est; nam monente G. E. HERRMANNO (c) ab ea tantummodo „ cavendum est, „ cum jam adsunt signa manifesta (plicæ), & natura actu separatorio jam

(a) l. c. p. 196.

(b) l. c.

(c) l. c. n. 3. p. 179.

„ est occupata: in plethoricis tamen,
 „ & missionibus sanguinis affvetis cor-
 „ poribus, primis statim diebus in con-
 „ veniente quantitate administrata neces-
 „ saria est in pede ut plurimum,,. Hinc
 scopo prophylactico præter motum cor-
 poris & cathartica etiam Væ Ses (a)
 & cucurbitas ter quaterve quotannis (b)
 utiles esse ait.

2. *Topica forma fotus, litus, lava-
 mentive*, quæ parti crinitæ, in qua pli-
 cæ evolutio speratur, admota, ejus
 eruptionem accelerant, promoventque:
 id quod specifica vi præstat.

a) *Branca ursina*, teste s. s. SCHUL-
 TZIO (c), decocta, ac pro lavamento
 usurpata. „ Verum ut branca ursina (ait
 „ idem) decocta externe in ablutione
 „ capitis prodesse dicitur, ita contra ea
 „ potus ex illa paratus, & juscula in-
 „ terne usurpata admodum nocere plu-
 „ rimi confirmant,,. Longe vero effi-
 „ caciùs est hos in usus

b) *Lycopodium clavatum*, ut cui
 vere specifica vis insit plicam latentem

(a) Ibid. n. 15. p. 184.

(b) Ibid. n. 4. p. 180.

(c) l. c. p. 196. sq.

evolvendi. Namque ut refert BERNI-
 ZIUS (a) ejus „ decocto, prius ca-
 „ lefacto, & aliquando ad majorem po-
 „ tentiam seu virtutem secunda vice
 „ cum recente musco (terrestri, seu Ly-
 „ copodio) incocto instar lixivii, &
 „ obscuri rubei coloris, lavant (Polo-
 „ ni) caput bis in septimana, nullo am-
 „ plius adhibito pectine, donec crines
 „ sese complicare incipiant: unde ne-
 „ cessario progressu temporis ita sese in-
 „ tricare solent, ut tunc quasi serpen-
 „ tes penduli circa caput pendeant in-
 „ star Gorgonei aspectu horrendo, &
 „ sic credunt plicam jam perfectam in
 „ crinibus. Leopoli quidam presbyter
 „ Græcus & plicatus affirmabat mihi qua-
 „ si juramento, se mediante hoc deco-
 „ cto plusquam 100 personas utriusque
 „ sexus dicto modo curasse. . . Ill. D.
 „ TARLOWA Capitanea vidua, quæ mul-
 „ tis annis fuit plicata, tandem unguento
 „ aliquo ex Musco nostro terrestri repen-
 „ te confecto . . . feliciter fuit restituta.
 „ Arcanum seu uguentum hoc accepe-
 „ rat a M. D. ZIROWSKI ante annos
 „ 32, ubi spatio hujus temporis interea,

„ ut ipsa retulit, aliquot centenos cu-
 „ ravit, & ab ista plica liberavit. Un-
 „ guentum, quod . . . A. CNOEFFE-
 „ LIUS . . . ab ipsa vidua tanquam rem
 „ singularem acceperat, mihi quoque
 „ concessit. Paratur tali modo :

„ R. Herb. Plicariæ (sc. musci terr. &
 „ repent.) &

Radic. Bryoniæ part. æqual.

Adipis Erinacei q. s. ex his tri-
 „ bus optime commixtis in vase vitreo
 „ bene obturato coquantur in B. M. per
 „ horam, & f. s. a. unguentum. Cum
 „ quo radices capillitii in capite com-
 „ plicati, & loca affecta, maxime ar-
 „ ticuli dolentes, bis in die inungeban-
 „ tur naturæ; & hæc tota erat cura. . .
 „ Oleum seu pinguedo, ex Erinaceo,
 „ quod ad confectionem unguenti hujus
 „ requiritur, parare solebat in olla no-
 „ va foraminata igne circulari per de-
 „ scensum, more consueto „ Com-
 „ mendavit postea decoctum Lycopodii
 P. G. SPERLINGIUS (a), quo ipso,
 uti & unguento paulo ante dicto summo
 cum fructu suis, in ægris usus est D.

(a) Diss. de plica Polon. (Witemb. 1702.)

FISCHERUS (a). Paricum utilitate Lycopodium in cerevisia vel aqua decoctum bis vel ter de die capiti applicuit HERRMANNUS (b), eoque efficacius agere observavit, „ si leni frictione cum spongia fomento hoc imbuta sæpe instituta secundetur. Incredibilis ferme est „ (inquit) transsudatio miasmatis & „ spasmorum sopitio post hanc simplicem operationem „. Non abs re ergo erit, remedii hujus energiam aliquot adductis casibus reddere spectatiorem, quemadmodum eam variis in ægris G. F. STABEL (c) est expertus. Prima est rustica 20 annor. robusta ac semper ante sana, e matre plicosa nata, quæ sine manifesta causa toto anno dolore capitis lancinante, artuumque continuo vexata, deinde in faucibus ac naribus sordida ulcuscula contraxit, manus vero pedesque nodi ac tubercula dura passim insedere. Usurpatis autem in & externe a balneatore ꝑ libus remediis ulcera adeo invaluerunt, ut paucis post diebus non mo-

(a) Anal. Wrat. Tent. 14. A. 1720. Octob. cl. 2. art. 3. §. 3. p. 403.

(b) l. c. n. 14. p. 184.

(c) l. c. Obs. 7. hist. 1.

do ossa squammosa narium , sed uvula etiam , consumpta sint , ac cetera etiam symptomata increverint. Omni pene nocte sudor viscidus e capite manabat , aderat phantasia corrupta , appetitus depravatus , ungues scabri , &c. Datis itaque interne sanguinem depurantibus , incidentibus , perspirationem alvumque liberam servantibus , externe admota aqua viridis HARTM. ulceribus , & caput bis terve lotum Lycopodii decocto totum calide , a quo brevi & plica evoluta est , & symptomatis omnibus abolitis ægra convalescit. Altera (a) 40 annor. erat , melancholica primum , tum maniaca effecta , cui cum post largam V. S. ad varia uterina ac antimaniaca furor aliaque symptomata augerentur , oborta plicæ latentis suspicione calidum Lycopodii decoctum capiti crebro applicabatur : unde plica brevi post totum sin caput evoluta femina prorsus convaleuit. Tertius (b) pannifex fuit ad 30 annos natus , qui biennio gravem capitis dolorem , nulli remedio cedentem , patiebatur cum lipitudine & humoribus oculorum adeo

(a) Ibid. Obs. 9. hist. 5.

(b) Ibid. hist. 7.

turbidis, ut objecta velut per nigrum pannum cernens ægre distingueret. Ad varia, in ejusmodi malis utilia, adhibita cum morbus cresceret, plicæque latentis perinde suspicionem moveret, decoctum idem in usum est vocatum, a quo intra paucos dies plica oborta, magnamque successive in molem excrefcens, cephalæam sustulit; oculorum autem malum nonnisi ad cataplasma e fl. Samb. mica panis, & cerevisia paratum, sæpeque fronti calide admotum, ac varia alia usurpata sensim minuebatur. Quartus (a) fuit chirurgus ad 30 annos habens, qui post contractum in Polonia contagium plicæ in dolores capitis cum glutinosis ejusdem sudoribus incidit; his paulo post a refrigerato corpore accessit noctu. horror & præcordiorum angustia, ac mox tussis cum copiosa sanguinis floridi expectoratione, prostratione virium, corporisque consumptione. Frustra variis adversus hæc usurpatis tandem linimentum e Lycopodio capiti calide sæpius illitum ingentem in capite toto plicam excitavit, pristinamque ægro sanitatem reddidit; solo appetitu depravato in per-

(a) Ibid. histor. 9.

petuum superflite ad vinum & ☞ quotidie largiter hauriendum. Quinta (a) est puella circ. octennis in confiniis Poloniæ dysenteriam sex septimanis passa, ad consueta remedia contumacem, vires corpusque confumentem, usque dum vino calido ac lycopodii unguento capiti adhibito plica oborta sanitatem pristinam reddidit. Idem Lycopodii erat effectus in aliis quoque binis (b) plicosis: & quicumque opera FISCHERI (c) sanati sunt, lycopodii decocto & unguento capiti adhibito exitum hunc debuerunt. VICAT (d) quoque Lycopodium specifica vi ad eruptionem plicæ promovendam præditum esse propria experientia didicit. Præmisit tamen ejus applicationi fomenta emollientia (ex alth. malv. parietar. &c.), cum admistis leniter epispasticis (ut est branca urs. bryonia, &c.), ut & vias laxaret materiæ morbosæ, & eandem ad tubulos capillorum quantocyus alliceret (e), ne diutius alibi morata partem organicam pessumdaret. Neque improbable

(a) Ibid. hist. 10.

(b) Vide n. sq. hist. 4 II.

(c) Vide sympt. proph. A. n. 9. genes. plicæ B.

(d) l. c. p. 57. sq.

(e) Ibidem p. 54. 62.

est, balneum e Lycopodio fuisse paratum,
de quo D. SENNERTUS (a) meminit:

„ Comes (inquiens) NIC. SAPIEHA
„ mihi retulit, sibi notum fuisse in Polo-
„ nia rusticum, qui hoc morbo laboran-
„ tes balneo curabat, cujus usu primis
„ 7 diebus ægri plane hirsuti toto cor-
„ pore evadebant, pilis undique erum-
„ pentibus, qui ejusdem balnei usu ad-
„ huc 7 diebus continuato iterum deci-
„ debant, atque ita ægri sanitatem re-
„ cuperabant „.

3. *Ablatio plicæ* utrum tuto fiat, di-
sceptatum fuit. Plerique id vetant gra-
vissime; eo quod funestissima post se
mala operatio hæc trahere est visa. Con-
tra vero alii negant quidquam noxæ in-
de emergere. Utraque pars ad expe-
rientiam provocat: audienda ergo utra-
que, ac primum quidem posterior. H.
SAXONIA (b) „nobilem (inquit) Roxo-
„ lanum hoc affectu laborantem . . . præ-
„ cisa manibus propriis plica summa cum
„ felicitate . . . sanavimus „. Perin-
de J. G. H. KRAMERUS (c) „plicam (in-

(a) l. c.

(b) de plica 4^o Patav. 1600. C. I. p. 12.

(c) Commenc. Nor. T. 2. A. 1732. Hebd.
46. art. 5. p. 363.

„ quit) sibi ex sordido vivendi genere
 „ attrahunt Walachi, eam absque ullis
 „ etiam symptomatis manifestis ferunt,
 „ & excindunt sæpius, at non liben-
 „ ter; cujus tamen rei successum nulla
 „ sanitatis pericula subsequuntur. Illud
 „ quoque ipsum & in equis Transylva-
 „ niæ fit, & observatur „. Apud MOC-
 „ CIUM (a), Comitissa, . . . mon-
 „ stroso hoc capillitio donata (illud)
 „ sæpiuscule cervice tenuis resciderat „
 „ alioquin utique id non factura, si noxam
 „ sensisset. Idem & in Canonico s. SCHUL-
 „ TZII (b), & in aliis plicosis HÜNER-
 „ WOLFFII (c) sine nocumento effe-
 „ ctum est. Verum quam parum his pau-
 „ cis eventibus innocuis fidendum sit, lu-
 „ gubria aliorum in contrarium testimo-
 „ nia nos docent. „ Expertum est, in-
 „ quit STARNIGELIUS (d), qui ta-
 „ les fasciculos implicatorum perarcte in-
 „ ter se crinium deraferint, eos oculis
 „ capi, aut defluxionibus ad alias partes
 „ corporis gravissime torqueri „. Et

(a) In SCHENCKIO Obs. med. L. I. Obs.
 13. §. ult.

(b) Vide sympt. prophas. A. n. 9.

(c) Vide genef. plicæ A. n. 1. b).

(d) l. c. §. 3.

vero si sponte plica non semper innocue excidit, ut id ANHORNII (a) æger est expertus, quo magis a vi naturæ illata metuenda est noxa? Quam multifaria autem mala inde propullulent, variæ nobis observationes documento sunt. C. H. ERNDTELIUS (b) „ vidit elegantissimam alias virginem nobilem in majori Polonia, quæ ex resectione plicæ strumofum tumorem passa fuit in crure sinistro tanta cum deformitate, ut hoc in ingentissimum tumorem extenso elephantis potius, quam hominis, tibiam referret „ C. F. DANIEL (c) meminit matronæ Silesiæ ad limites Poloniæ degentis, 40 annor. quæ teneræ ætatis achoribus nonnisi anno vitæ 17^{mo}, ubi menses erupere, inordinati quidem semper ac doloroti, & leucorrhœam semper post se relinquentes, sensim superatis, anno ætatis vicelimo post valida purgantia in hæmorrhoides, fluentes primum, tum cæcas ac admodum semper mucosas incidit. Ubi vero inter varia

(a) Vide progn. n. 3.

(b) l. c. p. 159.

(c) Beyträge zur medic. Gelehrsamk. 3. Th. 11. Abhandl. p. 205. 199.

incommoda 30 vitæ annum superavit, plicam insignem acquisivit, quam ultra biennium citra notabiles molestias gestavit: fœditatis vero hujus pertæsa, post curam primum salivatoriam institutam, postea curam affatoriam dictam per 8 hebdomades sustinuit, sub qua non nisi carne vitulina assa & pane bis cocto vesceretur, simulque meracum decoctum cum $\frac{1}{2}$ bibit, sæpe V. S. instituit, hirudines, & valida cathartica in usum vocavit. Postea plicam abscidit. Sed non impune id factum; nam vehemens ac tere continua cephalæa, & contumax alvi adstrictio cum doloribus magnis colicis successit, quam non nisi cathartica & enemata, plerumque iteranda, solvebant, nec nisi paucum sterqus cum mucis, gelatinam C. C. per omnia referentis, copia eliciebant: quo facto aliquod levamen ad paucos dies est secutum. Status hic aliquot annos duravit cum anorexia, debilitate, pallore, extenuatione, cum metu hæticæ superventuræ. Idem hic Auctor (a) vidit Judæam post plicam igne & unguentis destructam, quam aliquot prius annis

(a) Ibidem in Schol. §. 8. p. 212.

gestavit, in paralyfin artuum, maniam, largasque uteri hæmorrhagias incidisse. J. N. BINNINGERUS (a) narrat feminam quamdam post resectam plicam, universum capillitium obtinentem cum pediculorum copia, in mentis imbecillitatem insignem ac difficulter curandam incidisse. C. H. ERNDTELIUS (b) cum Grodnam appulisset, ingentem hominum alica abscissa excæcatorum vim ibi conspicxit. Sic & s. SCHULTZIUS (c) testatur, notos sibi fuisse quosdam „ qui post abscissionem cirro-
 „ rum ad tempus visu privati fuerint,
 „ & dolores graviores artuum & capi-
 „ tis inde retulerint „. Haud secius res cecidit mulieri BALDINGERI (d). G. C. P. ab HARTENFELS (e) vidit religiosum post abscissam sibi plicam in lethalem 7 dierum maniam incidisse, nihil binis V. S. aliisque remediis opitulantibus; delirio tamen ante mortem remittente. Perinde vetulæ intra triduum post abscis-

(a) Obs. & cur. med. Cent. 3. Obs. 13.

(b) Misc. nat. cur. Cent. 10. app. p. 475.

(c) l. c. p. 195.

(d) Neu. Magaz. für Aerzte 3 St. p. 203.

(e) Misc. nat. cur. Cent. 1. Obs. 35.

simplicem extinctæ MOCCIUS (a) me-
 minit. Et „ Judæo e plica Polonica
 „ laboranti incautus rudisque barbæ ton-
 „ soꝝ eandem præscindens amaurosin,
 „ delirium, apoplexiam, mortem in-
 „ duxit,, inquit J. J. NEUHOLD (b).
 Analogam catastrophem refert J. HELL-
 WIGIUS (c): „ A. C. 1653. cum Ra-
 „ tisbonæ tempore comitiorum Imperii
 „ variolæ grassarentur, inter alios etiam
 „ juvenes duo natione Poloni fratres
 „ uterini uno simul fere tempore ægro-
 „ tabant variolis, amboque plica Polo-
 „ nica a juventute afficiebantur. Me-
 „ dicus quidam in curam accersitus in
 „ principio statim præcepit majori natu,
 „ pro liberiori fuliginum febrilium tran-
 „ spiratione ac variolarum transitu ca-
 „ pillos omnes detondi, simul ac illos
 „ cirros, qui Plica . . . Polonica in-
 „ festi fuerant; quo facto æger statim
 „ sanguinem ex capillitio fluentem sen-
 „ sit, & cum insigni virium animalium
 „ & naturalium lapsu post paucos dies
 „ mortem obiit,, Apud STABE-
 LIUM (d) femina 24 annor. e matre

(a) l. c.

(b) Act. nat. cur. Vol. 3. app. p. 158.

(c) Obs. phys. med. 37. p. 134.

(d) l. c. histor. 8.

plicosa orta, sine manifesta causa in pleur-
 ritidem incidit primum lateris dextri quæ
 post V. S. in lævo brachio latus lævum,
 dextro relicto, invalit, ac post V. S. in
 brachio dextro aliaque interna remedia
 data in vomicam pulmonum, indeque in
 phthisin biennalem abiit, necquidquam
 adhibitis variis antiphthisicis: donec in-
 opinato varii in capite cirri oborti, sen-
 simque aucti ægrotæ sensim pristinam va-
 letudinem reddidissent. Post annos circ.
 12. plicæ ob phthiriasin molestam abscis-
 sæ brevi tumor dolens hypochondrii suc-
 cessit cum febre hæctica, corporisque
 consumptione, quæ accedente diarrhœa
 colliquativa purulenta cum crebra sub
 situ erecto syncope tandem mortem at-
 tulit. Porro (a) „ cum . . . Bilicii
 „ petechiales febres epidemice afflige-
 „ rent, miasma hoc contagiosum ado-
 „ riebatur medicinæ practicum quem-
 „ dam, qui breviter ante invasionem
 „ hujus febris plicam absciderat. Hic
 „ crudelissimis torquebatur capitis dolo-
 „ ribus sine ulla remissione, quibus jun-
 „ gebatur delirium phreniticum; 3^o die
 „ accedebat coma cum stertore, & tu-

(a) Ibid Obs. 11. histor. 14.

„ mor capitis: circa vesperam sparsim
 „ in collo & pectore quædam apparebant
 „ petechiæ, & hac in nocte exspiravit,
 „ capitis tumore post mortem mirum in
 „ modum adaucto, adeo ut triplo fere
 „ majus appareret „. Nec minoris mo-
 menti est casus sequens (a): pharmaco-
 pæus in Biala Poloniæ vico sanus sobrius-
 que praxi medica occupatus, dum in-
 cautius quibuscunque in lectis somnum
 caperet, contagio contracto plicam illi-
 co in capite nactus est, sine ullo alio
 incommodo. Hanc exscidit; purgantia-
 que ac sanguinem depurantia usurpavit.
 Sed brevi post gravissimi capitis artuum-
 que dolores adiuere, in manibus pedi-
 busque nodi ac tubercula, in reliquis
 vero cutis locis ulcuscula orta sunt, ac-
 cessit extenuatio, debilitasque. Tan-
 dem ossa evasere fragilia adeo, ut dum
 aliquando e lecto surgeret, ossa tibiæ
 ac fibulæ transversim frangerentur, una-
 que eorum extremitas supra alteram emi-
 neret: alio tempore dum manus labori
 admoveret, os scapulæ magno cum stre-
 pitu, ac si maxima vi esset confractum,
 dissiliit. Variis frustra tentatis mori de-

(a) Ibid. Obs. 8. hist. 2.

buit. Sed maxime omnium insignem casum Annales Wratisl. (a) memoriæ prodiderunt: Colonellus Germanus robustus ad 47 annos habens, in Lithvania aliquamdiu dolorem pedis lævi, podagram æmulantem, perpeffus emplastrum ab alio podagrico sibi commendatum eidem admovit, initio quidem cum levamine; postea vero inter pedis pollicem digitumque ulcusculum enatum est, quod sensim tantopere invaluit ut pes sphacellosus amputari debuerit: quod cum die 25^{ta} Decembr. 1717 peractum esset, vulnusque suo tempore sanationem non respueret, interea plica in capite apparuit, quam Chirurgus flocci pendens excidit. Sed mense Sept. annisequentis pristinum malum pedi alteri incubuit eodem cum eventu: namque enato inter pedis pollicem ac digitum, ut ante, ulcere, sensimque aucto & in sphacelum abeunte digiti pedis auferri debuere, at inutili opera, malo nihilominus ulterius usque adeo serpente, ut & alter hic pes die 2^a Octobr. genu tenuis ferro præcidi debuerit, cujus e vul-

(a) Tent. 6. A. 1718. Octob. Cl. 4. art. 13. §. 2. p. 1753. fq.

nere ne cochlear quidem sanguinis effluxit. Vix octidui levamen inde æger sensit, cum sphacelus genu quoque infecit, integra partium mollium frustra summo cum foetore ab osse excidebant, donec æger 29^a Octobr. expiravit. Ex his ergo satis liquet, quam exitiosum sit hunc deformem hospitem ferro & ingratius depellere: imo vero ne mutilatio quidem ejus impune semper fit, quod luculenta J. M. FEHRII (a) observatio testatur: juvencula militem vim parantem, falce leviter vulneratum submovens ab eo duo vulnera alta in bregmate accepit, queis 4^o die in ambitu pruritus accessit, aliaque non insolita, sed pauca & levia symptomata. Convaleuit. Postea e loco olim vulnerato duo cirri villosi enati sunt, sed post malignam febrem superatam cum ceteris capillis rursus defluxere absque ullo malo; sed recrescentibus capillis duorum priorum cirrorum in locum unus perinde villosus succrevit ad 3 fere ulnas, ut humum raderet. Quem ubi diu tulisset, tandem $\frac{1}{2}$ ejus ulnam refecat; sed mox adfuit ingens capitis dolor, caligo oculorum,

(a) Misc. nat. cur. dec. 2. ann. 2. obs. 1.

aurium tinnitus, & interdum quasi quædam paraphrenitis ob doloris vehementiam. Ter vena frontis secta, & crebræ capitis lotiones decocto Brancæ urs. ac Verbenæ (crescente denuo cirro) malum nonnihil mitigarunt; sed horrida ab aura tantopere denuo recrudit, ut ex-anni æstu & cephalæa fere insania sequeretur. Priori decocto additum Lycopodium cephalæam vix non sopivit, sed secuta est epiphora contumax ad mortem usque. Omnia vero hæc mala non aliunde, quam ab ipsa plica vel prorsus vel pro parte ablata, proficisci vel inde patet, quod ubi hæc ablata rediit, vel mutilata pristinam recuperavit mensuram, illa plerumque rursus dispareant, velut in viro HELLWIGII (a) aliquoties accidit. STABEL quoque tribus exemplis rem confirmat. Femina 36 annor. pluribus annis plicam capitis gestatam demum exscidit. Atrox primum capitis dolor, tum aliquot dierum phrenitis gravis eam invasit: facta V^a S^e in brachio, deinde sub lingua, furor mitigatus quidem, at non prius ex toto cum ceteris desiiit symptomatis, quoad plica capitis non

(a) Vide progn. n. 4. A.

rediit, qua sensim explicata femina iterum convaluit (*a*). Alia (*b*) quinquagenaria plethorica postquam integro fere anno summam maniam cum agrypnia, immani robore, insuetis motibus convulsivis, murmure ac borborygmis abdominis, &c. ad remedia consueta contumacem est perpeffa, adhibito tandem 8 diebus capiti frequenter decocto lycopodii, plica in capite oborta sensimque aucta maniam iisdem gradibus mitigabat, sanaque facta mulier multos annos non ægrotavit. Ast ubi plicam præcidit, dolor acutissimus caput spinamque dorsi invadens cum phantasia depravata non prius desit, quam plica recrevit. Porro (*c*) nobilis Polonus 30 annor. sanus robustusque, postquam plicam per dies vitæ gestatam extirpasset, in plurium annorum cephalæam & arthritidem pessimam jam fixam jam vagam incidit fere continuam. Dato interne decocto e Sassafr. Sarsap. Lapatho acuto, externe admoto capiti decocto lycopodii; post 3 hebdomades cirrus sat insignis in ca-

(*a*) l. c. Obs. 9. hist. 3.

(*b*) Ibid. hist. 4.

(*c*) Ibid. hist. 11.

pite renatus postea omnem sensum mor-
 bum abolevit. Denique D. SENNER-
 TUS (a) „ novit militem senem, qui
 „ plicam in occipitio habebat, & de
 „ causa morbi interrogatus (nam Ger-
 „ manus erat de Thuringia ortus) re-
 „ spondebat, morbum hunc sibi hære-
 „ ditarium esse; matrem enim suam 7
 „ plicas 2 ulnarum longitudine ad mor-
 „ tem usque habuisse. Idem refere-
 „ bat, cum in Ungaria militasset, &
 „ a Turcis captus fuisset, herum pro
 „ more gentis omnes pilos & una pli-
 „ cam abscindi curasse, indeque se cœ-
 „ cum evasisse. Cum vero per inter-
 „ pretem hero cœcitatis causam expo-
 „ fuisset, & impetrasset ab eo, ut pi-
 „ los renasci sineret, visum postea re-
 „ cuperasse „. Accidit vero etiam
 nonnullis, ut non mox abscissam plicam
 symptomata gravia excipiant, sed velut
 ex induciis aliquo tempore hominum
 sanum sinant: verum tamen postea cum
 scœnore invadunt. Sic HERMANNI (b)
 vidua 36 annor. cum post excisos cir-
 ros aliquot annis nil mali inde sensisset,

(a) 1. c.

(b) 1. c. casu 3.

tandem tamen in arthritidem incidit: cumque præter sanguinis missionem ac lene purgans nulla admitteret remedia, plicæ reditum verita, demum ex obitu mariti curis ac mœrore accedentibus, incepit matutinis vomitibus ac dejectionibus crebris torminosis affligi: ad quintam autem vespertinam horror cum calore alternans, ructus, fœda, fitis, tussis, somnus interruptus, pavoresque vexabant. His palpitatio cordis, dolores spinæ, ac sub sternò, in vertice sensus frigoris, in abdomine motus vehementiores pulsatorii, imminutaque appetentia, erant comites. Innumeris frustra tentatis, tandem curatio ad revocandam plicam instituta: quæ ubi rediit, decrefcentibus malis ægra commode vixit. Huic simillimum casum (imo idem prorsus esse videtur, si rite conferas) præbet VICAT (a), nisi quod ægram e vestigio post abscissam plicam in rheumatismum incidisse notet. Perinde Wratislaviensibus Medicis (b) fuit „oblata nobilis Polona, cui . . . abscissa fuerat plica. Illa initio quidem

(a) l. c. p. 45.

(b) Hist. morb. Wratisl. A. 1700. p. m. 176.

„ non sensit notabile incommodum; post-
 „ ea autem strumam incurrit cum aneu-
 „ rysmate supra costas spurias lateris si-
 „ nistri „. Hæc, aliaque id genus, tri-
 stia exempla videntes Medici perspicua-
 ciores, plicam temere quidem excinden-
 dam haud censuere, sed tamen pericu-
 lum duxerunt faciendum, num præpara-
 to prius rite ægri corpore plicæ ablatio
 tuto fieret? Non pauci tuto id sic fieri
 posse testati sunt propria etiam experien-
 tia. Sic A. STEGMANNUS (a) „ex-
 „ pertus (inquit) in tribus monstrose
 „ plicatis didici, quod Plica corpore
 „ rite purgato, & affectu lege artis cu-
 „ rato, absque damno & vitæ periculo
 „ cultro tonsorio abscindi possit „. Pa-
 riter B. SILVATICUS (b) in plicoso
 quodam „ præmissa diligentissima totius
 „ purgatione, ubi primum capillos ad
 „ radices complexos erumpere vidit,
 „ plicam abscidit, lixivio valido caput
 „ lavit, tegumento ipsum ab aëris in-
 „ clementia tutatus est, & sanatus est
 „ affectus „. Haud secius C. F. SCHUL-

(a) Misc. nat. cur. dec. 3. ann. 7. obs. 36.

(b) l. c.

ZIUS (a) refert in castris Saxoniciſis fuiſſe ad 80 milites tirones e Polonia ac Lithvania miſſos, qui plicam omnes geſtarunt. His principio exhibebantur diaphoretica per aliquot dies, poſtea loco hauſtus ſoporiferi porrigebatur largior hauſtus ſpiritus frumenti, quo ſopitis inter dormiendum plicæ lapidi plano impolitæ lapide alio tam diu tundeantur, quoad a capite ſecederent, exciderentque, ne præciſæ viderentur fuiſſe, ſed quali ſponte excidiſſent. Nihil hinc ulli eorum noxæ accidit, nec poſtea, debita munditie obſervata, pexisque ſedulo capillis, unquam recrevit plica. Teſtatur quoque hic Auctor ſe perinde ſine ulla noxa compluribus ægris plicas excindi curaffe, poſteaquam corpora eorum debite ad id præparaffet. CARTHEUSERUS (b), quoque ad eorum, qui tuto plicam in corpore præparato abſcindi poſſe tuentur, ſententiam, relicta contraria, acceſſit, poſteaquam ex FROESEWITTIO legionis Polonicæ Medico intellexit, ab ipſo aliquoties plicam militibus fuiſſe ademptam citra

(a) l. c. §. 44.

(b) Libel. de morbis endemiis §. 7. p. 17.

valetudinis eorum detrimentum : nisi quod tres imprimis cautelas hanc in rem præcipiat, nimirum ut 1^o) Plicæ evolutæ notabili tempore gestentur, ut materiam morbi ubertim in se recipiant; tum ut 2^o) Abseïssioni præmittantur eccoprotica, diluentia, sanguinem depurantia, diaphoretica, diuretica, & antiscorbutica: denique ne 3^o) funditus plica exscindatur, sed ut radices ejus pollicem longæ relinquantur. Sed quorsum istud? Contrarium producam casum, quem 8 abhinc annis nobis Teplicio Cl. Vir J. MIKAN Chemiæ ac Botan. in Pragensi Univ. Prof. pro amicitia nostra perscriptit : ZIRL POTTENHEIMERINN 51 ann. corpore magno, temperamento ad phlegmaticum accedente, ante 11 annos in debilitatem incidit usque adeo, ut 5 annos lecto affixa esset; incredibiles primo anno sudores experiebatur, cum levamine quidem, sed tamen inde per quadriennium tremores, frigus, punctori tota corporis peripheria dolores, articularum in omnibus extremis pulsationes supertuere. Anno secundo scarlatinam perpeïta est. Anno morbi 4^{to} Plica emicuit quadruplici radice, duplici antè in ossibus bregmatis utrinque, duplici postè ad iuturam lambdoideam orca,

Anno 5^{to} in thermis Carolinis, queis 16 hebdomades usa est, convaluit. Radices adhuc solitariae, parvae, tandem in unam rursus coivere plicam, quam septennio gestavit. Hæc 12^a Junii abscissa 3xij. appendit, dum eam abscinderem, nil sensit ægra, plica etiam transscissa nullum ploravit liquorem: at postero die enormis adfuit capitis dolor (ipsique capilli sensum doloris præ se ferebant), vertigo, debilitas, ut primi morbi recidivam pati videretur. Exhibui iterata sæpe cathartica, aquam amaram, laxat. Vienn. dedi Ω Serpill. $\odot \times$ aa. 3ij. $^{\circ} \circ$ still. Caryoph. gtt. xij. pro litu capitis, & cataplasma ex aqua vegeto-minerali cum mica panis: jussi priorem Ω cum Sacch. ad gtt. xx ter de die sumi. Interim semper pejus. Tandem jussi capillos funditus abradi: & reconvaluit in integrum. Hæc ille. Estne igitur Plica ad modum cancri, ut si vel minima ejus rudimenta relicta fuerint, rursus propullulet? Id vero mihi perquam mirum est visum, Lycopodio nihil tribui a CAR-
THEUSERO, „ quoniam examine che-
„ mico edoctus (inquit ille), scio plan-
„ tam hanc viribus admodum exiguis
„ instructam, adeoque tam refractario
„ malo tollendo plane imparem esse „

Dî meliora ! Quotidiana experientia omnes hic furnos chemicos subvertit : & quæso cur Rheum, Opium, Cortex Peruv. eadem chemicis producta largiuntur, dum tamen toto cœlo disparatas vires in corpus ægri exferunt ? Sed ad excissionem plicæ redeamus. In tanta sententiarum varietate apposite admodum ad rem s. SCHULTZIUS (a) notavit dicens : „ expurgata jam in totum corpore „ ris profunditate ipsæ plicæ sæpe sponte „ decidunt, & si non, *fortasse* tum Medico „ earum resectionem moliri liceret, modo de materia non amplius in corpore præsente certus esset. Hoc quamvis difficile sit, attamen Medico cuncta accurate pesitanti & secundum rationem agentis haud impossibile „. Sed numquid matrona DANIELIS (b) satis expurgata, satis dulcificata, satis eventitata videri potuit ? Et tamen excissio plicæ magno illi stetit. Interea omnis hæc ambigua disceptatio me iudice ita componi potest : Scabies interdum tuto ope litus fugatur, alias non impune. Idem ergo de Plica est ; & quemadmo-

(a) l. c. p. 195.

(b) Vide superius p. 85.

dum male contenderent cum ii, qui scabiem semper solo litu sine discrimine depelli posse statuerent, quod aliquando bene id cessisse viderint, tum ii quoque, qui contrarium ob contrariam experientiam tuerentur: ita etiam male ii suæ doctrinæ consulunt, qui Plicam vel tuto semper, vel nunquam sine discrimine, ferro adimi posse putant. Profecto sicut scabies, quæ a corpore puro per solum contagium acquiritur, tuto principio per litus iugatur, non autem vetus jam vel a causis internis orta: ita etiam de Plica tenendum est.

C. D I Æ T E T I C A.

1. *Alimenta medicatæ indolis sunt;* cavenda, quæ acrimoniam & cacoehymiam sovent, augentque. Quod si tamen ad ea ægri appetitu depravato ferantur, moderate indulgenda, ne denegata paroxysmum prophaseos accersant, ut e FISCHERO (a) vidimus. Ex STARNIGELII (b) relatione „ho-

(a) Vide sympt. proph. A. n. 10.

(b) l. c. §. 7.

„ mines agrestes . . . ad avertendum
 „ penitus morbum ex erinaceo . . .
 „ escam sibi conficiunt; sed ne hoc
 „ quidem tanti est „ Efficacior multo
 esse videtur caro viperarum, quam ad
 normam anguillarum coctam B. SILVA-
 TICUS (a) per 24 dies summa cum
 utilitate præbuit Comiti SAPIEHA. Et
 quid mirum eandem carnem in miasmate
 plicæ demulcendo ac sanguine depuran-
 do esse egregiam, quæ perinde in phthi-
 si, scabie pessima, Lepra, &c. adeo est
 efficax?

2. *Frigus* humidum, aliaque, quæ
 perspirationem imminuunt, sunt vitanda.

3. *Contagii modi*, ut lecti, mitræ,
 potus suspecti, balnea &c. queis plicosos
 usos fuisse prudens est metus, sollicite
 sunt fugiendi iis, quos plica vel sponte
 vel arte ablata reliquit.

4. *Mundities* capitis capillorumque
 diligenter est conservanda: pexio non
 negligenda.

(a) l. c.



EPISTOLA

LAURENTII STARNIGELII

Academiæ Zamosciensis Rector. &
 Eloquentiæ Prof. ad Acad. Patav. Pro-
 fessores Medicos data A. 1599. d. ult. Octob.
 apud D. SENNERTUM l. c.

*Excellentes & Magnifici Domini amici
 carissimi & observantissimi!*

§. 1. Pro conjunctione ea, quæ nobis in ultima Sarmatia versantibus propter optimarum artium commune vinculum cum Excell. & Magnif. D. V. intercedit, novellæ Zamosciensis Academiæ Rector scribendum esse duxi ad Excell. & Magn. D. V. vetustate quidem & præstantia nobilissimæ Academiæ Patavinæ claros, eruditione tamen ac usu majores & clariores. Causam autem scribendi attulit mihi novitas apud nos morbi & summæ ejus medendi difficultas. Peto, ut epistolam hanc meam & legant benevole, & lecta consilium judiciumque suum amice perscribant, qualem morbum existiment, quæ præcepta dent, cujusmodi medicinam faciendam putent ejus depellendi. Res ita habet!

§. 2. Inter Ungariam & Pocutium provinciam Regni Poloniæ, quæ montibus, ex quibus fluvii complures erumpunt, inter se distinctæ sunt, eveniebat, ut plerisque hominibus unus & alter cirrus excresceret, cum vicinis sibi crinibus, in se introrsus implicatus & densus. Et tum quidem nulla re molestus erat. Nunc serpere cœpit is morbus, & late per totum regnum Poloniæ magno omnium malo, magnoque cruciatu divagatur.

§. 3. Infringit ossa, laxat artus, vertebrae eorum infestat, membra conglobat ac retorquet, gibbos efficit, pediculos fundit, caput, & aliis atque aliis succedentibus ita opplet, ut nequaquam purgari possit. Si cirri radantur, humor ille & virus in corpus relabitur, & affectos, ut supra scriptum est, torquet: caput, pedes, manus, omnes artus, omnes juncturas, omnes corporis partes exagitat. Expertum est, qui tales fasciculos implicatorum perarcte inter se crinium deraferint, eos oculis capi, aut defluxibus ad alias partes corporis gravissime torqueri.

§. 4. Purgationibus usitatis si illi medeare, ægrescit & exsuperat magis, quod noxios humores nequeat superare pur-

gatio, sed commotos per totum corpus dispergat; tanto enim dolore omnium deinceps membrorum hac affecti peste ardent, ut ad cruciatus acerbitem nihil possit esse acrius.

§. 5. Maximam partem feminas invadit; viros etiam, qui Gallicum in morbum propendent. Eos etiam, qui porriginem capitis, quam vulgus tineam vocat, medicamentis repercutientibus represserunt; præterea feminas, quæ menstruis temporibus non satis purgantur. Quarum quædam, dum in ætate adolescentiore fluxum sanguinis per nares, menstruo modico, nimis profusum identidem habuissent, ætate provectiore eo fluxu per nares cessante in ipsum morbum cirrorum delapsæ sunt.

§. 6. Quidam, quamquam perrari, cum aliquot annis hoc genere morbi cruciati exagitatiq; fuissent; nec caput raliscent, vexationemque ejus omnem & pædorem & spurcitiem non sine summa molestia & nausea pene intolerabili pertulissent, tandem virulentis illis cirris decidentibus convaluere, maxima tamen pars perit.

§. 7. Quæsitæ sunt & tentata varia remedium genera, sed nullum est satis idoneum adhuc repertum: quæsitæ etiam


vis & natura morbi, & causa; sed ne de hac quidem etiamnum quidquam liquet. Homines agrestes erinacei discepti circumligatione relevari compere-runt: & ad avertendum penitus morbum ex erinaceo ipso escam sibi conficiunt: sed ne hoc quidem tanti est. Lotionem præterea sibi parant ex decoctione folio-rum ursi brancæ, qua cum abluunt ca-put cirri, de quibus est supra scriptum, erumpunt, magnaue vis pediculorum.

§. 8. Cum exhalatione fuliginosa, ex qua nascuntur crines, communicat, vi-deturque cum tineâ affinitatem habere, atque cruciatu ossium cum Gallica lue: cum phthiriasi redundatione vermium: cum arthritide artuum dolore: cum spasmo contractione miserabili membro-rum.

§. 9. Ut nihil aliud dicam, Excell. & Magnif. D. V. hoc in genere artis eru-diti & sapientes facile colligent, quam necessaria sit hæc deliberatio, & quanto beneficio amplissimum regnum Poloniae sibi obtrinent, cum ejusmodi virose pesti, qua violentissime divexatur, so-lerti suo ingenio remedium præsens in-vestigaverint, inventumque literis man-darint. Multi variarum medicinarum primi Auctores in perpetuitatis laude

vivunt, hujus medicinæ ab Excell. & Magnif. D. V. inventæ gloria vestra propria erit, vos illustrabit, & cum omni consequentis posteritatis ætate florescet. Exspecto humanissimum responsum; sed si minus, quam par est, neque verbis, quibus opus fuit, morbi vim expressi, peto ignoscant Excell. & Magnif. D. V. homini alio artis in genere versanti: adumbratio quædam hæc morbi est; interiora illius acri ingenii sui acie Excell. & Magnif. D. V. dispiciant & contemp'entur. Bene valere Excell. & M. D. V. opto Zamoscii die ultima mensis Octobris Anno Domini M. D. XCIX.






SYLLABUS

AUCTORUM.

- | | |
|-----------------------|-----------------------|
| Acta Berolin. p. 70 | Bzovius p. 41. |
| Act. nat. cur. p. 60. | Cartheuser p. 98. |
| 61. 88. | Commerc. literar. |
| Anhornius p. 52. | Norimb. p. 83. |
| Annales Wratisl. | Connor p. 29 35 41. |
| p. 5. 12. 17. 26. | Cromer p. 41. |
| 37. 72. 79. 91. | Daniel p. 85. sq. |
| Apinus p. 60. | Dlugosius p. 41. |
| Bachstrohm p. 48. | Erndtelius p. 46. |
| Baldinger p. 87. | 56. 85. 87. |
| Bauer p. 65. | Fehrius p. 92. |
| Bernitz p. 70. 73. | Fischer p. 5. 14. 15. |
| 77. | 17. 38. 72. 79. |
| Binninger p. 87. | Floercke p. 28. |
| Bonfigli p. 24. 35. | FonsECA p. 56. |
| 42. 51. 57. 59. | Gehema p. 14. 24. |
| Büchner p. 14. 38. | 27. 35. 51. |



Gerbezius p. 20.	Meibomius p. 23. 53
Gohlius p. 70.	Mikan p. 99.
Hain p. 23. 36.	M. N. C. p. 3. 8. 20.
Haller p. 28. 41.	21. 23. 27. 23.
Hartenfels p. 87.	33. 62. 70. 87.
Hellwigius p. 22.	92. 97.
64. 88.	Moccius p. 84. 88.
Herrmann p. 6. 10.	Neifeld p. 16. 38.
12. 69. 72. 75.	Neuhold p. 61. 88.
76. 79. 95.	Pastorius p. 41.
Hertius p. 33.	Plempius p. 34.
Histor. morb. Wra-	Primit. Polon. p. 6.
tisl. p. 34. 96.	10. 16. 38. 65. 72.
Hünerwolff. p. 21.	75. 76. 79. 95.
Klein p. 28.	Roux p. 26.
Kordály p. 65.	Ruyfchius p. 2.
Kramer p. 83.	Sauvages p. 3.
Landeutte p. 26. 29.	Saxonia p. 68. 70.
Lentilius p. 27.	75. 83.
Ludolff. p. 52. 53.	Schenk p. 22. 54.
55.	84.
Lüttke p. 52.	




Schultz S. p. 3. 8.	Stadlerus p. 22.
9. 11. 13. 15. 18	Starnigelius p. 104
19. 30. 35. 62. 68.	sqq.
69. 75. 76. 87. 101	Stegmann p. 97.
Schulz C. F. p. 29.	Transact. Philoso-
35. 43. 53. 58. 74.	phic. p. 28.
98.	Trioe p. 31.
Sennertus p. 24. 40.	Vater p. 28. 32. 48.
53. 83. 95.	60.
Silvaticus p. 11. 35.	Veridicus Th. p.
44. 53. 97. 103.	45.
Sperling p. 78.	Vicat p. 10. 13. 34.
Spondanus p. 41.	35. 42. 43. 51. 53
Stabel p. 41. 43. 44.	54. 63. 72. 82.
54. 79. 80. 81. 82.	96.
88. 89. 90. 94.	Wedelius p. 28.

Errata

Emendanda.

Pag. 10. lin. 27.	cas.	lege	cas.
- - 20. - - 4.	fero	- -	fero
- - - - 10.	meminire	-	meminere
- - 26. - 16	sq. <i>tenuum</i>	-	<i>tenuem.</i>



T H E S E S.

I.

Vænæ sectio ad catamenia suppressa evocanda non semper in pede facienda: sunt casus, ubi ei brachii phlebotomia præferri debet.

II.

Phlebotomia in pede non semper abortum causat; interdum eundem præcavet.


III.

Arthritidem inter & podagram essentialiale discrimen non dum quisquam docuit.

IV.

Hæreditarios morbos, quos nonnulli pernegant, dari multa sunt, quæ probant.

V.



V.

Variolas veras bis eidem mortali accidere posse (etsi oppido raro), hodie non amplius dubitatur.

VI.

Morbi ab atra bile et perniciosissimi sunt, et funditus nunquam curabiles.

VII.

Amauroseos pathognomicum signum nullum adhuc innotuit.

VIII.

Hydrophobia etiam sponte, citra morsum animalis rabidi, in homine nasci potest.

IX.

Datur etiam epilepsia critica, alios morbos solvens.

X.

Qui artem sanandi conjecturalem vocant, non meminere, ceteras quoque scientias non prorsus esse ab eadem labe immunes.



BIBLIOTHECA UNIV.



JAGIELLOŃSKA

Biblioteka Jagiellońska



stdr0024846

